

說文解字義證

說文解字第十四

義證第四十八

曲阜桂馥學

位東方之孟陽氣萌動從木戴孚甲之象一曰人頭

宜為甲甲象人頭凡甲之屬皆從甲

古狎切

鵬冠子近迭篇蒼頡作書法從甲子爾雅釋天太歲在甲曰開逢淮南天文訓寅在甲曰開逢高注萬物鋒芒欲出擁遏未通世本大撓作甲子宋衷云黃帝史官也呂氏春秋勿躬篇大撓作甲子六藝論黃帝佐官七人大撓造甲子月令章句大撓探五行之情占斗綱所建於星始作甲乙以名日謂之幹作子丑以名月謂之枝枝幹相配以成六旬廣雅甲乙為幹幹者日之神也寅卯為枝枝者月之象也書序羲和涵淫廢時亂日傳云廢天時亂甲乙職國策一曰破紂之國高注一日甲子之日也詩大明會朝清明傳云會甲也甲朝者一朝也

位東方之孟者宋本小字本竝作東方之孟無位字本書初刻亦無後乃加之按東方甲為孟卯為仲乙為季易辨

終備萬物肇甲鄭注肇生也甲東方之行物所生故數以  
始也陽氣萌動者十幹以甲丙戊庚壬為陽徐錯曰甲  
在東北甲子陽氣所起也董仲舒曰太平之世則風不鳴  
條開甲散萌而已漢章帝元和二年詔方春生養萬物孳  
甲宜助萌陽以育時物從木戴孚甲之象也者本書釋  
檜也玉篇釋甲也通作孳徐錯曰孳猶發孳穀種也集韻  
穀物之孳甲釋名甲孳也萬物解孳甲而生也又云孳  
也孳甲在上稱也又云覆孳也如孳甲之在物外也又云  
鎧或謂之甲似物孳甲以自禦也白虎通其曰甲乙者萬  
物孳甲也易彖傳雷雨作而百果草木皆甲坼鄭注皆讀  
為人倦解之解說卦傳其于稼也為反生宋衷曰謂麻豆  
之屬戴甲而生月令孟春之月其蟲蟄注云彖物孳甲將  
解又云食麥與羊注云麥實有孳甲屬木大戴禮少閒篇  
苟本正則華英必得其節以秀孳矣夏小正二月柳穠傳  
云穠也者發孳也史記律書甲者言萬物訓符甲而出也  
漢書律歷志出甲於甲月令正義解之云甲是孳甲也劉  
歆鍾律書角者觸也物觸地而出戴氏角也五行為木  
一曰人頭宜為甲者徐錯本作大一經曰頭玄為甲韻會  
五音集韻竝作玄馥案頭色玄如玄天之在上故曰頭玄  
為甲甲象人頭者徐錯曰其字形亦取象人頭馥案此

猶緯書配身也乾坤鑿度云乾為頭  
首坤為胃腹兒口離目艮手震足

# 古文甲始於一見於十成於木之象

始於一見於十成於木之象者集韻引作始於十見於千  
成於木之象小字本李燾本並同徐鉉本作歲成於木之  
象餘與本書同錯曰甲一也甲乙為幹其數十成于東  
方人象木也穀梁成於木之象者本書歲木星也

## 文一 重一

乙象春艸木冤曲而出陰氣尚彊其出乙乙也與一同

意乙承甲象人頸凡乙之屬皆從乙

於筆切

乙與甲同位東方十幹以乙丁己辛癸為陰釋天太歲  
在乙曰旃蒙漢書律歷志奮軋于乙內則魚去乙注云  
乙魚體中害人者名也今東海鮐魚有骨名乙在日旁狀如  
篆乙倉之鯁人不可出穀案釋魚魚腸謂之乙郭注似篆書  
字因以名焉漢官儀以  
乙日祀先農及耕乙地

象春艸木冤曲而出者本書尾從乙云隘也辰下云物皆  
生從乙廣雅乙軌也釋名乙軌也自抽軌而出也史記律  
書乙者言萬物生軌軌也白虎通乙者物蕃屈有節欲山  
月令孟春之月其日甲乙注云乙之言軌也日之行春東  
從青道發生萬物月爲之佐時萬物皆解孚甲自抽軌而  
出因以爲日名陽昭二十九年左傳木正曰句芒杜注取  
木生句曲而有芒角也淮南天文訓卯在乙曰旂蒙高注  
萬物過蒙甲而出陰氣尙彊其出乙乙也者文賦思乙  
乙其若抽李善引方言乙抽也又引說文陰氣尙彊出乙  
乙然董斯張曰宋本昭明文選文賦云思乙乙其若抽說  
文解乙字云象春艸木冤曲而出陰氣尙彊其出乙乙也  
淮南子太歲在甲曰闕逢注萬物擁遏未通也在乙曰旂  
蒙注萬物過蒙甲而出也史記律書乙者萬物生軌軌也  
漢書律歷志奮軌於乙穀梁傳軌解范甯注軌委曲也釋  
名云乙軌也自抽軌而出也則軌者乙之詰也梁江革嘲  
何記室聯句不成云疇昔故翮翻今辰何乙乙松雪行楷  
作軌軌字殊誤或云許說大僻仲春桃已華何言兔曲邪  
案月令季春句者畢出萌者盡達則此前猶未畢出未盡  
達也益信許說之妙與一同意者一當爲中徐鉉繫傳  
音徹云同爲出也馥案屯從中象艸木之初生屯然而難

𠂔

上出也從乙乙物之達也軌聲

葉馬切又古寒切

上出也者本書崔從佳上欲出曰引易夫乾崔然乙物之達也者九經字樣乾上從軌下從乙乙謂草木萌甲抽

生乙而

𠂔

籀文乾

𠂔

治也從乙乙治之也從商

即段切

治也者釋詁文郭引論語予有亂臣十人襲二十八年左傳武王有亂臣十人杜注亂治也北史蕭寶夤傳武王有亂臣十人亂者理也廣雅亂理也書皋陶謨亂而敬鄭注亂謂剛柔治理書顧命其能而亂四方傳訓亂為治說命惟以亂民傳云使治民周官亂爾有政傳云治次所有之賦秦誓子有亂臣十人傳云治理之臣申鑒政體篇聖漢統天惟宗時亮其功格宇宙粵有虎臣亂政李善注雪賦亂者理也總理一賦之終也通鑑贊生十子九子殿一子不殿關中亂注云周秦以南以亂為治郭璞云以徂為存猶以亂為治此皆詁訓義有反覆有通美惡不嫌同名殺

靈石楊氏乘

謂此皆不知有敬亂之別 從乙乙治之也者徐鍇曰乙者治之難也 從商者本書商治也么子相亂受治之也徐鍇本作從商 從乙乙治之也

又

異也從乙又聲

羽求切

異也者廣雅同本書就下云尤異于凡也後漢書陳重傳舉尤異昭二十八年左傳夫有尤物足以移人注云尤異也史記仲尼弟子列傳受業身通者七十有七人皆異能之士也小爾雅尤怪也玉篇尤怪異也昭二十一年左傳張句尤之杜注尤怪賜之厚

文四 重一

丙

位南方萬物成炳然陰氣初起陽氣將虧從一人口

一者陽也丙承乙象人肩凡丙之屬皆從丙

兵元切

釋魚魚尾謂之丙郭注似篆書字因以名房釋天太歲在丙曰柔兆孫炎曰萬物柔婉有條兆也

位南方者丙火故位在南月令孟夏之月其日丙丁鄭注  
日之行夏南從赤道萬物成炳然者丙炳聲相近淮南  
天文訓辰在丙曰柔兆高注萬物皆生枝布葉鄭注月令  
丙之言炳也長育萬物月為之位時萬物皆炳然著見而  
強大釋名丙炳也物生炳然皆著見也白虎通其日丙丁  
者其物炳明律歷志明炳於丙律書丙者言陽道著明故  
曰丙陰氣初起陽氣將虧從一入口一者陽也者徐鉉  
曰夫物極則衰功成則去明盛而晦陽極而陰物非陰不  
定夏之有秋所以欸斂焦殺萬物使成也口猶門也易曰  
乾坤其易之門邪天地陰陽之門戶陽功成將入于口也

文一

夏時萬物皆丁實象形丁承丙象人心凡丁之屬皆

從丁當經切

丁與丙同位南方釋魚魚枕謂之丁郭云枕在魚頭骨中  
形似篆書丁字晉書載記符堅嘗羣臣賦詩姜平子詩有  
丁字直而不曲堅問其故平子曰臣聞丁至剛不可以屈  
董彥遠謝除正字啓丁尾亂真董斯張曰莊子曰丁子有尾  
連筠篠叢書



李頤注云在上為首在下為尾世人謂右行曲波曰尾今丁  
子二字願左行曲波亦是尾也案說文丁字作个是無尾也  
故曰

亂真

夏時萬物皆丁實者徐鍇本作夏時萬物皆丁壯成實釋  
名丁壯也物體皆丁壯也白虎通丁者強也參同契老物  
復丁壯急就篇長樂無極老復丁漢書律歷志大成於丁  
史記律書丁者言萬物之丁壯也故曰丁淮南天文訓已  
注萬物剛盛

文一

戊

中宮也象六甲五龍相拘絞也戊承丁象人脅凡戊

之屬皆從戊

莫侯切

釋名戊茂也物皆茂盛也白虎通戊者茂也漢書律歷  
志豐穠於戊月令其日戊己注云戊之言茂也至此萬物  
皆枝葉茂盛釋天  
太歲在戊曰蒼雉

中宮也者本書戊下云五行土生於戊月令中央土其日  
戊己淮南天文訓午在戊日著騁高注位在中央萬物繁  
著四方樂書宮土晉其性圓而居中律歷志宮中也居中  
央暢四方後漢書兩域傳元帝置戊己校尉注云戊己中  
央鎮覆四方象六甲五龍相拘絞也者內則教之數日  
注云朔望與六甲也六龍古者三皇之世虛無之清以制  
剛強無有文字皆由五行五行之道天地自然六甲之分  
微妙之神漢書食貨志里胥令餘子在序室未任役使者  
八歲入小學學六甲五方書計之事以知至家長幼之節  
王粲儒史論古者八歲入小學學六甲五星書計之事方  
叔後注六藝論云六紀者二曰五龍紀惠棟曰五六天地  
之中故曰六甲五龍相拘絞龍辰也辰有五子故云五龍

成

就也從戊丁聲

氏征切

就也者廣韻就成也燕禮笙入三成注云三成謂三終也  
郭注爾雅凡事物成就亦終也丁聲者本書萬物皆丁  
壯成實

成

古文成從午

從午者徐錯曰午南方亦物成之義

文二 重一

己 中宮也象萬物辟藏誦形也己承戊象人腹凡己之

屬皆從己

居擬切

漢書律歷志理紀于己釋名己紀也皆有定形可紀識也  
白虎通己者抑屈起月令其日戊己注云己之言起也  
其含秀者抑屈而起釋天太歲在己曰屠維  
文訓未在己曰屠維高注屠別維維也萬物各成其性  
象萬物辟藏誦形也者誦之上下疑有脫  
關徐錯曰萬物與陰陽之氣藏則歸土

己 古文己如此

呂氏春秋察傳篇子夏之晉過衛有讀史記者曰晉師三豕  
涉河子夏曰非也是己亥也夫己與三相近豕與亥相似至  
於晉而問之則曰  
晉師己亥涉河也

𠄎

謹身有所承也從己丞讀若詩云赤易己己居隱切

謹身有所承也者禮昏義釋文引字林作營身有所承也王篇登敬身有所承也集韻登敬也身所承也從己丞者當有己亦營三字讀若詩云赤易己己者皆義釋文引作几本書擊下引詩赤易擊擊今詩作几几

𠄎

長踞也從己其聲讀若杞暨己切

長踞也者類篇引作長晚也玉篇異長晚也或作踞也本書踞長踞立其字孫子作怠讀若杞者類篇異古國名衛宏說與杞同

文三 重一

巳

蟲也或曰食象蛇象形凡巳之屬皆從巳伯加切

三巳記閭白二水東西流曲折三回如巳字故謂之三巳

說文解字義證卷四十八

連筠移叢書

或曰食象蛇者楚詞天問有蛇吞象厥大何如大荒北經西南有巴國有黑蛇青首食象郭注卽巴蛇也海內南經巴蛇食象三歲而出其骨其爲蛇青黃赤黑一日黑蛇青首郭注說者云長千尋郭有贊云象實巨獸有蛇吞之越出其骨三年爲期厥大何如屈生是疑淮南本經訓封豨修蛇皆爲民害高注修蛇大蛇吞象三年而出其骨吳都賦屠巴蛇出象幣五臣云巴蛇大蛇也能食象故殺之出其骨也博物志巴蛇吞象三歲出其骨金樓子志怪篇巴蛇食象三歲而出其骨君子服之無心腹之疾虞世南師子賦屈巴蛇於指掌尋陽記羿屠巴蛇於洞庭其骨若陵故曰巴陵爾雅翼古稱堯使羿斷修蛇於洞庭許叔重以爲修蛇大蛇吞象之類洞庭南方澤名近巴陵說巴陵者以爲巴之成其骨爲陵此地至今往往多大蛇豈其種裔耶



巴擊也從巴帶關

博下切

從巴帶者常有已亦聲三字

## 文二



位西方象秋時萬物庚庚有實也庚承己象人歸凡

庚之屬皆從庚

古行切

白虎通庚者物更也漢書律歷志斂更於庚

詩推度災

庚者更也

三禮義宗秋曰庚辛者庚更也辛新也言物皆

改更而新也

釋天太歲在庚曰上章

淮南天

文訓申在庚曰上章高注陰氣上升萬物畢生

立西方者月令孟秋之月其日庚辛注云日之行秋西從

白道

象秋時萬物庚庚有實也者淮南子春氣發而百

草生得秋而萬物成實史記漢文帝卜得兆正橫其繇曰

大橫庚庚律書庚者言陰氣庚萬物故曰庚釋名庚猶更

也庚堅強貌也鄭注月令庚之言更也辛之言新也

成熟萬物月為之佐萬物皆肅然改更秀實新成

### 文一



秋時萬物成而孰金剛味辛辛痛即泣出從一從辛

辛旱也辛承庚象人股凡辛之屬皆從辛

息鄰切

言三... 卷四... 一

辛與庚同位西方漢書律歷志悉新于辛史記律書

辛者言萬物之辛生故曰辛釋天太歲在辛曰重光

秋時萬物成而孰者白虎通辛者陰始成釋名辛新也物

初新者皆收成也本書燮下云辛者物孰味也淮南天文

訓西在辛曰重光高注萬物就成其熟煌煌聘禮註一牢

在西腥一牢在東注云熟在西腥在東象春秋也金剛

味辛辛痛即泣出者月令孟秋之月其日庚辛其味辛書

洪範從革作辛傳云金之氣味正義云金之在火別有腥

氣非苦非酸其味近辛故辛為金之氣味月令秋云其味

辛其臭腥是也玉篇辛穉也穉辛穉也痛也穉本書作癩

云楚人謂藥毒曰痛癩崔鴻後燕錄慕容熙苻后卒使有

司按檢哭者無淚則罪之羣臣莫不含辛以為淚焉從

一從辛辛鼻也者二辛字集韻類篇並引作

辛五經文字辛從辛辛音愆本書辛鼻也

自辛犯法也從辛從自言鼻人蹙鼻苦辛之憂秦以鼻似

皇字改為罪祖賄切

犯法也者玉篇鼻犯公法也本書辟法也從巴從辛巴制其鼻也夏小正汝小罪斷薄刑注云刑者上之所施罪者

下之所犯 從辛從自言鼻人聲鼻苦辛之憂者苦辛徐  
錯本作辛苦文字音義鼻從自辛也言鼻人聲鼻辛苦之  
憂風俗通自辛字為鼻令其辛苦憂之也本書自鼻也傲  
蹴鼻也集韻顙頤頤鼻也 秦以鼻似皇字改為罪者本  
書罪下云秦以罪為鼻字風俗通鼻秦皇以為字似皇故  
改為罪爾雅釋文鼻古罪字秦始皇以其字似皇字改從  
四非董彥遠謝除正字  
啓避上則鼻不從辛

古辛學也從辛古聲古乎切

鼻也者釋訪文字書同書大禹謨與其殺不辜傳云辜罪  
詩正月民之無辜雲漢何辜今之人箋竝云辜罪也宣六  
年公羊傳天乎無辜何云辜罪也莊子  
則陽篇至齊見辜人焉釋文辜罪也

古文辜從夂

學也從辛冑聲私列切

學也者玉篇辭夂刑也通作孽廣雅孽罪也又通作孽易  
林政令無常下民多孽孟子引書天作孽猶可違自作孽

自之孛之義登 卷之四 一、 連筠蔭叢書



靈石楊氏采

不可活徐錯通諭妾隸之子曰孽孽之言孽也有罪之女  
沒入於公得見於君有所生若木既伐而生枿頭木之有  
由孽也故於文子辭  
為孽辭者罪也

辭

不受也從辛從受受辛宜辭之

似茲切

不受也者通作辭聘禮記辭曰非禮也敢辭注云辭辭不  
受也 受辛宜辭之者易釋文引作受辛者辭本書噪會  
辛噪也帝王世紀帝乙二妃四子少曰受德辛鄭注書序  
云紂帝乙之少子名辛號曰受德時人傳聲轉作紂也馥  
案書云其在受德賢傳以受德為紂之字說與鄭同周書  
克殷解末孫受德呂氏春秋仲冬紀其次曰受德是也增  
韻後人亦借為言詞字楊修傳絕妙好辭魏畧蔡邕題曹  
娥碑後曰黃絹幼婦外孫齋曰楊修解之曰齋曰受辛之  
器辭字也洪興祖楚詞補注齋擣薑蒜辛物為之故曰齋  
曰受辛也東觀漢記王莽將敗逢萌載齋器於市曰辛乎  
徐錯曰古謂今脂酢合和  
者為齋故有受辛之言

辭

籀文辭從台

木書臬籀

文從此

訟也從爾爾猶理辜也爾理也似茲

書呂荆皇帝清問下民鯨寡有辭于苗馬注清問清訊也書  
又云兩造具備師聽五辭五辭簡孚正于五刑詩采芑執  
訊獲醜傳云訊辭也王制成獄辭史以獄告成于正正聽  
之桓十年左傳號仲譜其大夫詹父於王詹父有辭倍四  
年傳或謂大子之辭君必辯焉倍十年傳欲加之罪其無辭  
乎宣十一年傳楚王讓申叔時不賀縣陳對曰猶可辭平宣  
十七年傳使反者得辭成二年傳寡君之命使臣則有辭矣  
晏子無字侍景公飲酒請浮晏子公曰諾晏子坐酌者奉  
觴進之曰君命浮子晏子曰何故也無字曰子隱君之賜故  
浮子晏子避席曰請飲而後辭乎其辭而後飲乎公曰辭然  
後飲孔叢子論書篇孔子見齊景公梁邱據自外而至公  
曰何遲對曰陳氏戮其小臣臣有辭為是故遲公笑而目孔  
子曰周書所謂明德慎罰陳子明德也而有辭非不慎矣  
南齊書王融傳收下廷尉獄使孔坦遷廷尉躬執辭狀口辨曲  
荅融辭云云會稽後賢記孔坦遷廷尉躬執辭狀口辨曲  
直通鑑荀濟謀誅高澄被執因下辨云云注云辨獄辭也  
兌之降之食登

又云高澄收司馬子如  
下獄子如辭曰云云

訟也者徐鍇通論辭者訟也玉篇辭理獄爭訟之辭也成  
四年左傳鄭伯與許男訟焉皇戊攝鄭伯之辭周禮小宰  
以敘聽其情注云情爭訟之辭論語如得其情大學無情  
者不得盡其辭廣韻引本書作說也干解字書辭辭說表  
記故仁者之過易辭也注云辭猶解說也僖二十八年左  
傳穀子叢以說焉昭二十七年傳子常殺費無極與鄆將  
師以說于國謗言乃止春秋後語魏人將殺范痤登危  
而說趙策公不若陰解樓子鮑云辭告之也燕策自負以  
不肖之罪故不敢為辭說漢書東方朔傳有說則已無說  
則成從商者徐鍇本作商辛 商理也者徐鍇本無此  
文本書商治也一日理也

辭

籀文辭從司

石鼓文我爾攸除 周禮大祝作六辭一日祠鄭司  
農云祠當為辭謂辭令也馥謂古文從司故誤為祠

文六

重三

辯

辯人相與訟也從二辛凡辯之屬皆從辯

方免切

辯人相與訟也者禮三朝記哀公曰寡人欲學小辯以觀  
于政其可乎通作辯易訟卦其辯明也襄二十九年左傳  
辯而不德服注辯若鬪辯鄉飲酒義不慢不爭則遠於鬪  
辯矣曲禮分爭辯訟非禮不決鹽鐵論辯訟公門之下訟  
訟不可勝聽又通作辨孟子國人皆稱夫子好辨王  
注楚詞九辨云辨者變也謂陳道德以變說君也

治

治也從言在辨之閔

符變切

治也者釋訓諸諸便便辯也郭云皆言辭辯給詩采芣平  
平左右傳云平平辯治也韓詩作便便書洪範王道平平  
傳云平平言辯治服注左傳平平辯治不絕之貌酒誥勿  
辯乃司士相見禮以會具告注云具猶辯也樂記其治辯  
者其禮具昭元年左傳主盟者誰能辯焉杜注辯治也墨  
子法儀篇今大者治天下其次治大國而無法所度此不  
若百工辯也荀子成相篇辯治上下韓詩外傳禮者治辯  
之極也又云善辯治人者故人安之天子三公諸侯一相  
大夫擅官土保職莫不治理是所以辯治之也漢書張敞  
傳審如探言武必辯治梁矣食貨志天子始出巡郡國東

渡河東守不意行至不辯自殺字或作辦  
民器注云辦猶具也史記項羽紀項梁常為主辦漢書韓  
信傳多多益辦蜀志諸葛亮領蜀郡太守眾事皆辦晉書  
陳頽拜太守還腹心之吏若有調發動靜馳白故恆得宿  
辦石崇傳嘗為客作豆粥咄嗟便辦晉中興書謝安詣陵  
訥訥兄子俶怪訥無供辦應璩與劉靖書有司供奉王命  
百里垂拱仰辦頽氏家訓風操篇多廢公事竟以不辦而  
還新唐書李元紘傳以辦治得名通作辦書報作官荆馬  
注為辦治官事者為荆周禮小宰帥執事而治之注云治  
謂共辦考工記以辦民器注云辦猶具也韓策今公自以  
為辦於薛公鮑注辦猶治也猶言治於高僕荀子議兵篇  
城郭不辦注云辦治也史記子貢傳兵不先辦不可以勝  
敵漢書王詡傳宮館馳道修治供張辦列女傳魯母歸傳  
於是使少子僕歸辦家事東觀漢記趙為諸將軍辦爰又  
通作班荀子君道篇善班治人  
者也又云善班治人者人安之

## 文二

王

位北方也陰極陽生故易曰龍戰于野戰者接也象

人裏妊之形承亥王以子生之敘也與巫同意王承

辛象人脰脰任體也凡王之屬皆從王

如林切

釋天太歲在壬曰玄默 淮南天文訓

戊在壬曰玄默高注歲終包任萬物

陰極陽生者

徐錯曰二為陰中一

為陽起于中一相交

故易曰龍戰于野戰者接也者本

書亥下云十月微陽起接盛陰 象人裏妊之形者釋名

王妊也陰陽交物懷妊也至子而萌也月令其日王癸注

云王之言任也癸之言揆也時萬物懷任於下揆然萌芽

承亥王以子生之敘也者當云王承辛徐錯曰辛陰氣

成就乃能乘陽以有生也故曰承辛生子也敘次敘也或

曰當云王承亥王在亥子之閉本書亥象裏子咳咳之形

亥已裏子王則身震故曰子生之敘 與巫同意者徐錯

本與工巫同意錯曰工巫皆規矩也本書巫下云與工同

意 脰任體也者王任聲相近月令章句王任也白虎通

王者陰始任漢書律歷志懷任于王史記律書王之為言

任也言陽氣任養萬物於下也詩

賓之初筵有王有林箋云王任也

文一



冬時水土平可揆度也象水從四方流入地中之形

癸承壬象人足凡癸之屬皆從癸

居誅切

癸與壬同位北方釋天太歲在癸

日昭陽釋名甲乙之次癸最在下

冬時水土平可揆度也者癸揆聲相近釋詁度謀也廣雅

癸揆也月令章句癸揆也白虎通癸者揆度也釋名癸揆

也揆度而生乃出之也詩定之方中揆之以日傳云揆度

也昭二十八年左傳心制義曰度服注言善揆度事也淮

南天文訓子在癸曰昭陽高注陽氣始萌萬物食生史記

律書癸之為言揆也言萬物可揆度故曰癸漢書律歷志

陳揆于癸非有先生論揆度得失三禮義宗冬日壬癸者

癸揆也言萬物更任生於黃泉皆有法度也易巽卦後庚

三日說者謂後庚三

日為癸有揆度之義



癸大鑑文從𠂔從矢

侯蘭發漢接駢核駢

邪國十字拉從此

從豐者本書豐足刺豐也癸象人足故從  
豐從矢者徐鍇本作矢聲韻有引同

文一 重一

十一月陽氣動萬物滋入以為偁象形凡子之屬皆

從子 卽里切

宋祖冲之論歷曰子為辰首位在正北九家易乾坤消息  
法周天地而不遇於十二辰廣雅甲乙為幹幹者口之神  
也寅卯為枝枝者月之靈也十二枝以子  
寅辰午申戌為陽釋天太歲在子曰困敦

十一月者上有關文自丑以下皆有聲近之字以為義訓  
如丑下云紐也是也此子下獨無蓋傳寫脫漏淮南天文  
訓子者滋也昭七年左傳歲時日月星辰服注月十二月  
也鄭注月令日月之行一歲十二會聖王因其會而分之  
以為大數易月令正義北斗循天而轉行建一月一辰辰  
三十度九十六分度之四十二正月建寅二月建卯三月



建辰四月建巳五月建午六月建未七月建申八月建酉  
九月建戌十月建亥十一月建子十二月建丑也漢書律  
歷志宮以九唱六變動不居周統六虛始於子在十一月  
釋天十一月爲享易乾鑿度坎藏之於北方位在十一月  
玉燭寶典十一月建子周之正月朱書禮志夏以十二月  
爲正法物之始其色尚黑殷以十二月爲正法物之牙其  
色尚白周以十一月爲正法物之萌其色尚赤後漢書陳  
寵傳夫冬至之節陽氣始萌故十一月有蘭射干芸荔之  
應時令曰諸生蕩安形體天以爲正周以爲春十二月陽  
氣上通雉雞乳地以爲正殷以爲春十三月陽氣已至  
天地已交萬物皆出蟄蟲始振人以爲正夏以爲春三微  
成著以通三統孔叢雅訓篇縣子問子思曰顏回問爲邦  
夫子曰行夏之時若是殷周異正爲非乎子思曰夏數得  
天堯舜之所同也三統之義夏得其正陽氣動萬物滋  
者子滋聲相近詩推度災子者滋也僖十五年左傳物生  
而後有象象而後有滋滋而後有數正義云凡是動植飛  
走之物物既生訖而後有其形象既爲形象而後滋多滋  
多而後始有頭數史記律書子者滋也言萬物滋於下也  
三代世表褚先生曰子者茲益大也陳杞世家苗裔茲茲  
漢書律歷志孳萌于子釋名子孳也陽氣始萌孳生於下

也於易爲坎坎險也白虎通子者孳也孳孳無已也晉書  
樂志十一月子子孳也謂陽氣至此更孳生也環濟要畧  
子猶孳也孳恤下之稱也通典十一月之辰名子子者孳  
也陽氣至此更孳益而生故謂之子也易乾卦潛龍勿用  
馬融曰初九建子之月陽氣始動於黃泉既未萌身猶是  
潛伏復卦七日來復先儒解云七日當爲七月謂陽氣從  
五月建午而消至十一月建子始復所歷七辰故謂七月  
月令仲冬之月陰陽爭諸生蕩注云爭者陰方盛陽欲起  
也蕩謂物動萌芽也逸周書周月解維十有一月旣南至  
昏昴畢見日短極其踐長微陽動於黃泉陰降慘於萬物  
孝經援神契冬至陽氣動淮南天文訓太陰在子歲名曰  
困致高注困泥敦沌陽氣皆混沌萬物身葉白虎通十一  
月之時陽氣始蒼根核故黃泉之下萬物皆赤赤者盛陽  
之氣也故周爲天正色尚赤也又云十一月律謂之黃鍾  
何當中和之氣鍾者動也言陽於黃泉之下動養萬物也  
五經通義冬至陽動於下推陰而上之故寒於上又云冬  
至陽氣萌動陰陽交精始成萬物氣微在下不可動泄三  
禮義宗十一月陽氣始施萬物動於黃泉之下微而未著  
其色皆赤赤者陽氣容齋三筆坎位正北當幽陰肅殺之  
地其象於易爲水爲月董仲舒所謂陰常居大冬而積於

靈石楊氏栞  
三  
空虛不用之處然而謂之陽離位正南當文明赫赫之地  
於易為日為火仲舒所謂陽常居大夏而以生育長養為  
事然而謂之陰豈非以陰生於午陽生於子故邪入以  
為侮者入當為人徐錯曰十一月夜半陽氣所起人承陽  
本其初故以為稱本書包下  
云元氣起於子子人所生也


 古文子從𠂔象髮也


戴侗曰  
當作𠂔

從𠂔象髮也者本書晉下云  
𠂔象髮謂之髻髻即𠂔也

 籀文子𠂔有髮臂脛在八上也

𠂔有髮者本書韻下云𠂔象髮在𠂔上此與籀文子字同  
臂脛在八上也者外為臂人為脛八當作儿蓋從奇字  
人也兒  
亦從儿

 𠂔子也從子從𠂔以證  
切

妻  
子也者三蒼同易釋文引作濼子曰孕一切經音義入  
含實曰孕妊子也又卷九引廣雅孕身也玉篇孕妊子也  
含實也易漸卦婦孕不育鄭云孕猶娠也虞云孕妊娠也  
詩大明大任有身傳云身重也箋云重謂懷孕也樂記毛  
者孕驚注云孕任也郊特牲故天子性孕弗食也注云孕  
任子也信十六年左傳梁嬴孕倍十七年傳孕過期杜並  
云懷子曰孕鄭語既筭而孕韋注孕任身也莊子天運篇  
民孕婦十月生子從尺者尺與秀下朶上並同象形也  
一切經音義九孕從子乃習似誤復古編尼音市朱切尤  
誤玉篇古文作汗簡古文尚書以朶為孕管子五行篇  
朶婦不銷弃注云朶古孕字或作媧太元媧其膏又通作  
繩周禮蕤氏掌殺草秋繩而艾之注云含實曰經釋文隨

孕音



生子免身也從子從免

方萬切

生子免身也者廣韻免子母相解通鑑爾朱榮請入朝欲  
視皇后免乳或作免越語將免者以告韋注免乳也新序  
節士篇無何而朝妻免生男漢書外戚傳婦人免乳大赦  
今皇后當免身顏注免乳為產子也從免者脫輓免晚

言部 二 言部 老 四 一 西 靈 石 楊 氏 梁

晚 倪 冕 統 勉 晚  
十字 並 從 免



乳也從子在下子亦聲

疾置切

乳也者廣雅同本書人及鳥生子曰乳易女子貞十年不  
字書鳥獸孳尾史記作字微集解云乳化曰字中山經苦  
山有木服之不字注云字生也漢書嚴安傳六畜遂字顏  
注字生也史記牛準書乘字牡者信而不得取會漢書食  
貨志天下亭亭有畜字馬歲課息或作特說苑臣故畜特  
牛生子而大廣韻引本書有又愛也三字通鑑孫和何姬  
曰若皆從成誰當字孤注引本書字乳也愛也徐鍇本字  
乳也愛也錯曰左傳大不字小字愛也鄭注周禮地官小  
國貢輕字之也書康誥父不能字厥子成四年左傳楚雖  
大非吾族也其有字我乎成十一年傳又不能字人之孤  
而殺之杜注  
並云字愛也



乳也從子𡇗聲一曰𡇗聲也

古候切

乳也者論語令尹子文孔安國曰姓闔名穀字於菟皇氏  
曰楚人謂乳為穀謂虎為於菟此兒為虎所乳故名之曰

穀於菟也通作穀宜四年左傳楚人謂乳穀唐石經作謂乳為穀莊三十年左傳闕穀於菟為令尹釋文云楚人謂乳曰穀字或作穀廣韻穀乳也廣雅穀乳生也 一曰穀舊也者徐錯曰穀替愚聞也集韻穀霽韻各心不明也廣韻穀替無暇楚辭九辨直恂愁以自苦玉篇恂愁思兒

一乳兩子也從子絲聲

呂患切

西京雜記霍將軍妻一產二子疑所為兄弟或曰前生為兄後生為弟今雖俱日亦宜以先生為兄或曰居上者宜為兄居下者宜為弟居下者前生宜以前生為弟時霍光聞之曰昔殷王祖甲一產二子曰隤曰良以良以前生為兄曰生良則以隤為兄以良為弟若以在在上者為兄隤亦當為弟昔許釐莊公一產二女曰嬖曰嬖楚大夫唐勒一產二子一男一女男曰貞夫女曰瓊華皆以先生為長近代鄭昌時文長褚並生二男滕公一生二女季黎生一男一女並以前生者為長霍氏亦以前生為兄焉 謹周法訓一產二子者常以後生者為兄言其先胎也答曰此野人之鑿語曰君子不測暗安知胎之先後也

一乳兩子也者方言陳楚之閭凡人乳而雙產謂之釐  
孳秦晉之閭謂之健子自關而東趙魏之閭謂之學生淮  
南修務訓故夫學生之相似者唯其母能知之字或作孿  
一切經音義十七孿字林雙生也蒼頡篇一生兩子也北  
史崔光詔傳光詔  
與弟光伯孿生

孺

孔子也一曰輸也輸尚小也從子需聲

而遇切

乳子也者廣雅孺生也一曰輸也輸尚小也者廣韻引  
作一曰輸孺尚小也本書兒孺子也玉篇孺少也釋名兒  
始能行曰孺孺孺也言孺弱也書洛誥孺子其朋鄭注孺  
子幼少之稱金滕公將不利于孺子傳云孺稚也稚子成  
王內則異為孺子室於宮中檀弓有子與子游立見有孺  
子墓者僖十年公羊傳爾既殺夫二孺子矣何注孺子小  
子也奚齊卓子時皆幼小僖十五年左傳征繕以輔孺子  
晉語孺子懼乎韋注孺少也秦策張唐答甘羅曰請因孺  
子而行齊策齊王夫人成有七孺子皆近高注孺子幼艾  
美女也管子苗始其少也胸胸乎何其孺子也史記留侯  
世家孺子可教侯幸傳孝惠時有閔孺正義孺幼小也幽  
通賦鳩巢姜於孺筮兮應劭曰孺小也帝王世紀成王元

年周公為冢宰攝政王生少未能治事故號曰孺子後漢書安帝紀在孺而勤注云孺幼也通鑑誅檀道濟並其子惟宥其孫孺注云惟宥諸孫之在重孺者後漢書徐穉字孺子

少

少孺也從子從稚省稚亦聲

居悻切

少孺也者顏注急就篇稚季者叔幼也釋名季癸也甲乙之次弟癸最在下季亦然也白虎通季者幼也詩采蘋有齊季女傳云季少也特性饋食禮挂于季指注云季小也周禮山虞凡服耜斬季材注云季猶穉也疏云少木鄭注月令季春云季少也從稚省者稚當為穉穉亦聲穉幼禾也稚亦聲者當為穉聲

長

長也從子皿聲

莫更切

長也者釋詁文禮緯庶長稱孟白虎通通長稱伯庶長稱孟書康誥王若曰孟侯傳云孟長也鄭注月令孟春云孟長也漢書劉向傳孟陬無紀孟康云首時為孟容齊三筆孟字只是最長最先之稱如所謂孟侯孟孫元妃孟子孟春孟夏之類是也



古文孟

本書係字古文亦如此按帛當為帛

𡩊 庶子也從子𡩊聲

魚列切

庶子也者襄二十七年公羊傳則是臣僕庶孽之事也注云庶孽眾賤子猶樹之有孽生玉藻公子曰臣孽注云公侯眾子也燕策所以能循法令順庶孽者史記商君傳商君者衛之庶孽公子也呂不韋傳子楚秦諸庶孽孫漢書韓王信傳故韓襄王孽孫也顏注孽謂庶目通鑑引裴子野曰危亡之君未嘗不先事本枝嫫嫫有孽注云說文庶子為孽有孽旁枝之庶子也或通作𡩊漢書賈誼傳庶人嬖妾緣其履

𡩊 汲汲生也從子𡩊聲

子之切

汲汲生也者一切經音義八引作汲汲也增韻同本書汲汲汲也或作汲汲賈誼書人人汲汲惟恐其後來至也本書敘云字者言孽乳而浸多也書堯典鳥獸孽尾傳云乳化曰孽交接曰尾孽尾牡牝相生也孟子孽孽為善易乾

鑿度栗萼結鄭注萼育也尙書考靈曜春政不失五穀萼  
又云歲星得度五穀萼又云青龍甲子攝提格萼注云萼  
猶生也孝經援神契天度施鴻萼萌惟南繆稱訓故君子  
日萼萼以成輝京房占正月建寅律爲太簇難雉萼尾招  
搖生聚易林牡馬牡駒歲萼不休鹽鐵論君子夙夜萼萼  
思其德通鑑張敞奏記王暢曰萼萼求姦未若禮賢注云  
萼萼猶汲汲也字或作孖萼類孖子思反蕃也或通作滋  
顧炎武曰侯成碑有云滋滋履眞者萼萼之異孟郁修堯  
廟碑亦以滋爲萼 茲聲者  
當爲茲本書諸艸木多益



籀文萼從絲



無父也從子瓜聲

古乎切

無父也者玉篇孤少無父也釋名無父曰孤孤顧也顧望  
無所瞻見也尙書大傳幼而無父謂之孤曲禮君子已孤  
不更

名



卹問也從子才聲

祖尊切

卽問也者李善注長門賦思元賦引竝同秦策無一介之  
使以存之高注存勞問也吳書虞翻年十二客有候其兄  
者不過翻翻謂其過而不存才聲者韻  
會引徐鍇本從子在省鍇曰在亦存也

效

效也從子爻聲

古肴切

效也者小字本作放也復古編類篇六書故引竝同類篇  
云謂放效也本書教下云上所施下所效也經典通用學  
字廣雅學效也書說命惟敷學半禮學記作學學半釋文  
上胡孝切下如字學記又云安其學而親其師樂其友而  
信其道書洛誥乃其悉自教工大傳作學功云學效也閔  
二年左傳敬教勸學論語學而時習之又云吾十有五而  
志於學孟子教不倦仁也學不厭智也呂氏春秋尊師篇  
故教也者義之大者也學也者知之盛者也盛者德義之大者莫  
大於利人利人莫大於教知之盛者莫大於成身成身莫  
大於學爻聲者易繫辭爻也者效此者也又爻也者效  
天下之動者也宋景文手記北齊時里俗多作  
僞字以文子爲學馥案漢碑學字變爻作文

𢦏

𢦏也從子止𠂔矢聲

語其切

或也者增韻惑疑也易乾卦或之者疑之也禮坊記夫禮者所以章疑別微以為民坊者也正義疑謂是非不決鵬鳥賦細故藉芥兮何足以疑從止矢者閔二年左傳狂夫阻之杜注阻疑也禮謂阻即止也本書杜從七吳啓吳古文矢字此疑亦從吳誤分為矢二字也

文十五 重四

𠂔 𠂔也從子無臂象形凡了之屬皆從了盧鳥切

郭忠恕荅夢英書了字合收在子部今日目錄妄有更改馥案目錄者林罕所作偏旁小說也本書了為部首然林罕改郭也郭注相了戾也許注淮南原道訓珍了戾也荀子修身篇擊戾楊注猶了戾也酉陽雜俎野牛其角相了戾導引經又手項上左右自了戾

𠂔 無右臂也從了𠂔象形居桀切

無右臂也者一切經音義十二字林無右臂曰子大荒西經有人名曰吳回奇左是無右臂注云即奇肱也莊四年

左傳授師子焉注云楊雄方言子者戟也正義云方言戟謂之子郭璞云取名於鉤子也戟是擊刺之兵有上刺之刃又有下鉤之刃故以鉤子為名也



無左臂也從了

象形

無左臂也者爾雅釋文引字林同廣韻亥無左臂也了上同說文作此大荒西經大荒之山有人焉是顓頊之子三面一臂注云無左臂也淮南說林訓子了為蟲廣雅子了蛸釋魚蛸蛸郭注井中小蛸蛸赤蟲腹案此蟲無足似人無臂其行動但屈伸首尾故名子了從了了象形者徐鍇本作象形從了了臂

文三



謹也從三子凡孝之屬皆從孝讀若翦

旨克切

謹也者或通作孝史記張目傳趙相貫高曰吾王孝王也韋昭曰孝仁謹兒大戴禮曾子立事篇君子博學而孝守之

連也一曰呻吟也從孛在尸下

切士連

漢書地理志廣漢郡  
怡縣有屏亭

追也者卽迫窄意集韻屏窘也今俗有屏蹙語  
從弄在尸下者徐鍇本有一曰弄瞽四字

盛兒從尋從日讀若蕤蕤一日若存魚紀切

魚紀切

盛兒者靈光殿賦芝栢攢羅以戢香李善云戢香衆兒杜甫朝享太清宮賦羅說異以戢香從日者徐錯本從日錯云日音越詞也讀若薺薺一日若存者徐錯曰今音女立反馥案李善音乃立反

籀文𠂔從二子一曰𠂔卽奇字𠂔

此從日  
與晉同

文三  
重一

不順忽出也從到子易曰突如其來如不孝子去出

不容於內也凡太之屬皆從去

他骨切

周禮師氏孝德以知逆惡又掌戮凡殺其親者焚之即易焚如之荆漢書匈奴傳王莽作焚如之荆如淳曰焚如死如棄如者謂不孝子也不畜於父母不容於朋友故燒殺棄之莽依此作荆名也 本書舊古文籀文竝從去易棄如鄭注流宥之

從到子者五經文字云古子字倒形徐鍇曰去反為人子之道也故文從反子字 易曰去如其來如者離卦文彼作突 不孝子太出不容於內也 者易象曰突如其來如无所容也

𠂔 或從到古文子即易突字

徐鍇本去下有去即易突字也六字此古文下又云即易突字疑後人加之 本書舊從流云流逆子也

𡗗 養子使作善也從去囚聲虞書曰教育子

余六切

養子使作善也者一切經音義十三引作養子使從善也又云育亦長也覆育也生也玉篇育養子使從善也釋詁

育養也又長也郭注育養亦為長詩有孤序所以育人民也箋云育生長也谷風昔育恐育鞠傳云育長生民載生載育傳云育長也蓼莪長我育我箋云育覆育也晉語育門子韋注育長也長育其材通作粥周禮脩閭氏與其國粥鄭注粥養也夏小正粥也者養也虞書曰教育子者舜典文彼作育釋文馬云胄長也教長天下之子弟故案馬訓長本作育史記作教梟子釋言鞠釋也郭音義云鞠一作毓楊雄宗正箴作育子周禮大司樂凡有道者有德者使教焉鄭云若舜命夔典樂教育子



育或從每

易蠱卦君子以振民育德釋文云王肅作毓古育字



通也從充從正正亦聲

所植切

通也者廣雅同李善注陸機連珠引作通也遠也釋名疏索也獲索相遠也本書毓通也樂記朱弦而疏越大鼓記作通越荀子注引史記作洞越今史記亦作通越徐鍇曰白虎通書之教也足足疏也通作疎文士傳束皙疏廣後



也廣曾孫孟造避難改姓去疏之  
正為東氏 正亦聲者當為正聲

文三 重二

五 紆也十二月萬物動用事象手之形時加丑亦舉手

時也凡丑之屬皆從丑 救九切

釋天太歲在丑曰赤奮若

紆也者廣雅同丑紐聲相近釋名丑紐也寒氣自屈紐也  
於易為艮艮限也時未可聽物生限止之也白虎通丑者  
紐也漢書律歷志紐牙于丑史記律書丑者紐也言陽氣  
在上未降萬物屈紐未敢出 十二月萬物動用事者易  
乾鑿度孔子曰升者十二月之卦也陽氣升上陰氣欲承  
萬物始進又云艮者止物者也故在四時之終位在十二  
月白虎通十二月之時萬物始芽而白者陰氣又云十二  
月律謂之大呂何大者大也呂者拒也言陽氣欲出陰  
不許也呂之為言拒者旅抑拒難之也漢書律歷志大呂  
呂旅也言陰大旅助黃鐘宣氣而牙物也位於丑在十二

月晉書樂志十二月丑丑紐也謂終始之際故以結紐為名也淮南天文訓太陰在丑歲名曰赤奮若高注奮起若順也陽奮物而起無不順其性赤陽色月令季冬之月令告民出五種命農計耦耕事修耒耜具田器注云朋大寒氣過農事將起也時加丑亦舉手時也者徐鍇曰味爽為丑人皆起有為也本書晨早昧爽也從日韻謂曰亦手也昧爽

丑時也

𠂔

食𠂔也從丑從𠂔

女久切

食𠂔也者類篇𠂔𠂔善者從丑從𠂔者徐鍇本作從𠂔丑丑亦聲

𡗗

進獻也從𡗗𡗗所進也從丑丑亦聲

息流切

進獻也者本書高獻也象進孰物形廣韻致滋味為羞釋詁羞進也鄉飲酒禮乃羞注云羞進也公食大夫禮士羞庶羞注云羞進也鄉射禮獻賓注云凡進物曰獻周禮膳夫羞用百有二十品鄭司農云羞進也夏小正丹鳥羞白鳥羞也者進也隱三年左傳可羞於王公杜注羞進也昭二十七年傳羞者獻體杜注羞進食也魯語羞鼈焉韋注

羞進也淮南時則訓羞以含挑高注羞進也  
者本書美下云羊在六畜主給膳也符子欲為少牢之膳  
而與羊謀其羞

文三

**寅**人韻也正月陽氣動去黃泉欲上出陰尙彊象山不達

韻寅於下也凡寅之屬皆從寅

切

釋天太歲在寅曰攝提格 離騷攝提貞於孟陬今王注太  
歲在寅曰攝提易是類謀攝提招紀鄭注攝提招紀天元甲  
寅之歲 廣雅寅演也 白虎通寅者演也 史記律書寅  
者言萬物始生蟄然也故曰寅 漢書律歷志引達於寅  
韻也者寅韻聲相近徐鍇曰韻韻擯席之意人陽氣上銳而  
出閔於山也曰所以擯也象形韻謂一亦所以擯人 正  
月陽氣動去黃泉欲上出陰尙彊象山不達韻寅於下也  
者漢書五行志言天者以夏正晉書樂志正月之辰謂之  
寅寅津也謂物之津塗春秋感精符人統月建寅物生之  
端謂之人統夏以為正月令孟春之月是月也天氣下降

地氣上騰天地和同草木萌動易乾鑿度泰者正月之卦也陽氣始通陰道執順白虎通十三月之時萬物始達孚甲而出皆黑入得加功力又云正月律謂之太族何太亦大也族者湊也言萬物始大湊地而出也漢書律歷志太族族奏也言陽氣大奏地而達物也位於寅在正月淮南天文訓寅則萬物蟄蟄也律受太族者湊而未出也又云太陰在寅歲名曰攝提格高注格起萬物承陽而起詩載芟驛驛其達傳云達射也箋云達出地也干寶說易云正月之時陽氣上達故屯為物之始生蒙為物之穉也

# 𡗗 古文寅

文一 重一

𡗗 冒也二月萬物冒地而出象開門之形故二月為天

門凡𡗗之屬皆從𡗗

莫飽切

釋天太歲在卯曰單闕 史記律書卯之言茂也言萬物茂也 淮南天文訓卯者茂茂然 白虎通卯者茂也 晉書

說文解字義證 卷四十八

三

連筠蓂叢書

樂志卯者茂也言陽氣生而孳茂也通典二月之辰名卯  
卯者茂也言陽氣至此物生孳茂也故謂之卯吳志虞翻  
傳注云翻別傳翻奏鄭玄解伏書達失事目古大篆卯字讀  
當爲柳古柳卯同字而以爲昧甚遠不知蓋闕之義臣松之  
案翻云古大篆卯字讀常言柳古柳卯同字竊謂翻言爲然  
故劉雷柳同用此字以從聲故也與日辰之卯今未能詳正然  
然漢書王莽傳論卯金刀故以爲日辰之卯今未能詳正然  
世多亂之故翻所說云複案堯典昧谷鄭注周禮縫人衣袷  
柳之材引作柳谷是鄭本作柳虞乃謂鄭以爲  
昧何也史記堯本紀作昧谷徐廣曰一作柳谷  
目也者耶目聲相近本書木目也目地而生馥謂卯木也  
徐錯曰二月陰不能制陽陽冒而出也釋名卯冒也戴冒  
土而出也漢書律歷志冒節於卯二月萬物冒地而出  
者釋名卯於易爲震二月之時雷始震也鄭注月令仲春  
云仲春者日月會於降婁而斗建卯之辰也又注命樂正  
習舞云順萬物始出地鼓舞也易乾鑿度震生物於東方  
位在二月鄭注震主施生卯爲日出象人道之陽也乾鑿  
度又云隨者二月之卦隨德施行藩決難解鄭注言二月  
之時陽已壯施生萬物而陰氣漸微不能爲難以障閉陽  
氣故曰藩決難解也淮南天文訓大陰在卯歲名曰單閼

高注單盡遏止陽氣推萬物而起陰氣盡止漢書律歷志  
夾鍾言陰夾助太族宣四方之氣而出種物也位於卯在  
二月象開門之形者本書易下云開也耶下云耶為春  
門萬物已出增韻耶從兩戶相背日出於耶闔戶之時也  
與耶不同耶從兩闔戶上畫連日入於耶闔戶之時也易  
繫辭闔戶謂之乾正義云闔戶謂吐生萬物也若室之開  
闔其戶倍五年左傳凡分至啓閉服虔曰啓立春夏也陽  
氣用事為啓鬼谷子裨闔篇觀陰陽之開闔以命物知存  
亡之門戶注云陽開以生物陰闔以成物風俗通青史子  
書說歲終更始辨秩東作萬物觸戶而出故二月為天  
門者老子天門開闔能無雌乎史記天官書蒼帝行德天  
門為之開正義云蒼帝東方靈威仰之帝也春萬物開發  
東作起則天發其德  
化天門為之開也

古文耶

徐鍇曰開  
席之象

文一 重一

辰

震也三月陽氣動雷電振民農時也物皆生從乙山

象芒達尸聲辰房星天時也從二二古文上字凡辰

之屬皆從辰

植鄰切

釋天太歲在辰曰執徐

史記律書辰者言萬物之振也馥

謂振當為振本書振動也

漢書律歷志振美於辰史記索

隱引作振美

白虎通三月律謂之姑洗何姑者故

也洗者鮮也言萬物皆去故就其新莫不鮮明也

震也者辰震聲相近白虎通辰震也晉書樂志三月辰辰

震也謂時物盡震動而長通典三月之辰名辰辰者震動

之義此月物皆震動而長故謂之辰

三月陽氣動雷電

者月令雷乃發聲始電

振民農時也者廣雅辰振也易

蠱君子以振民育德淮南天文訓辰則振之也揚雄曰農

不競辰無以養身本書宋下云坐作耒耜以振民也武梁

祠畫象標榜云神農氏因宜教田辟土種穀以振萬民

物皆生從乙者本書乙下云象春艸木冤曲而出乾下云

乙物之達也

山象芒達者三禮義宗物始生皆句曲而

有芒角釋名辰伸也物皆伸舒而出也方言達芒也注云

謂草秒迭射出周禮太宗伯以青圭禮東方注云圭銳象  
春物初生月令季春之月生氣方盛陽氣發泄句者畢出  
萌者盡達注云句屈生者芒而直曰萌惟南天文訓太陰  
在辰歲名曰執徐高注執蟄徐舒伏蟄之物皆散舒而出  
辰房星天時也者本書晨下云辰時也辱下云辰者農  
之時也故房星爲辰田候也震下云房星爲民田時者春  
秋元命包房者蒼神之精法言吾不睹參辰之相比也宋  
衷曰辰龍星也王注楚辭辰星房星也鄭注周禮大司樂  
云房心爲大辰釋天大辰房心尾也大辰謂之大辰郭注  
龍星明者以爲時候故曰大辰大火心也在中晨明故時  
候主焉鄭注鄉飲酒義云三光三大辰也正義云公羊云  
大辰者何大火也伐爲大辰北辰亦爲大辰故爾雅云大  
辰房心尾也大辰謂之大辰北極謂之北辰是三大辰也  
何休云大火與伐天所以示民時早晚天下取以爲正故  
謂之大辰辰時也是天之政教出於大辰風俗通義漢書  
郊祀志高祖五年初置靈星祀后稷也毆爵籥揚田農之  
事也左中郎將賈逵說以爲龍第三有田星靈星者神也  
故祀以報功辰之神爲靈星故以壬辰日祀靈星於東南  
金勝木爲  
十相也



辰

古文辰

三

靈石楊氏采

辰

恥也從寸在辰下失耕時於封疆上戮之也辰者農

之時也故房星為辰田候也

而蜀切

恥也者廣雅恥辱也釋名辱劬也言折劬也從寸在辰下失耕時於封疆上戮之也者寸法度也廣雅戮辱也周禮秋官序官掌戮注云戮猶辱也呂氏春秋孟春紀皆修封疆高注起其疆畔紀督惰窳於疆下也王桀務本論仰司星辰以審其時俯耕藉田以率其力封祀農稷以神其事祈穀報年以寵其功設農師以監之置田畯以董之黍稷茂則喜而受賞田不墾則怒而加罰種有常時耘有常節牧有常期此賞罰之本種不當時耘不及節牧不應期者必加其罰辰者農之時也故房星為辰田候也者徐鍇曰國語曰農祥晨正民於是耕農祥房星為大辰也

文二 重一

巳

巳也四月陽氣已出陰氣已藏萬物見成文章故巳

爲蛇象形凡巳之屬皆從巳

詳里切

巳也者巳巳聲相近李陽冰曰辰巳之巳借爲已止之巳  
釋名巳巳也陽氣畢布巳也子思論詩於穆不已孟仲子  
作於穆不似斯于正義云古者似巳字同容齋三筆律書  
釋十母十二子之義大畧與今所言同惟至四月云其於  
十二子爲巳巳者言陽氣之巳盡也據此則辰巳之巳乃  
爲矣音顧炎武曰吳才老韻補古巳午之巳亦讀如巳矣  
之巳漢律歷志振美於辰巳盛於巳史記巳者言陽氣之  
巳盡也鄭玄夢孔子告之曰起今年歲在辰明年歲在  
巳愚案古人讀巳爲矣之證不止此淮南子斗指巳巳則  
生巳定也說文巳巳也四月陽氣巳出陰氣巳藏萬物見  
成文章故巳爲蛇象形釋名巳巳也陽氣畢布巳也詩似  
續妣祖箋云似讀巳午之巳巳續妣祖者謂巳成其宮廟  
也五經文字起從辰巳之巳白虎通太陽見於巳巳者物  
必起晉書樂志四月之辰謂之巳巳者起也物至此時畢  
盡而起也詩江有汜亦讀爲矣釋名水決復入爲汜汜巳  
也如出有所爲畢巳復還而入也以享以祀亦讀爲矣說  
文祀祭無巳也從示巳聲公羊傳何休註言祀者無巳長  
久之辭釋名商曰祀祀巳也新氣升故氣巳也今人以辰

已之已讀爲士音宋毛晃曰陽氣生於子終於巳巳者終  
已也象陽氣既極回復之形故又爲終已之義今俗以有  
鉤爲終已之已無鉤爲辰巳之巳是未知字義也韻案玉  
篇辰巳字音徐里切又也旨切卽爲已止之已廣韻上聲  
己羊己切訖也去聲己羊吏切過事語解是已止之已有  
二音矣馥謂已止當借己字本書矣語已詞也其字從己  
二王書以爲陳迹以歷三世是古本作以廣雅已己也  
四月陽氣已出陰氣已藏者徐鍇曰四月純陽之月故曰  
陰氣已藏易乾鑿度巽者陰始順陽者也陽始壯於東南  
方故位在四月漢書律歷志中呂言微陰始起未成著於  
其中旅助姑洗宣氣齊物也位於巳在四月萬物見成  
文章故巳爲蛇者淮南天文訓太陰在巳歲名曰大荒落  
高注荒大也言萬物熾盛而大出霍然落落大布散攝生  
月令四月爲乾是月也萬物已成天地化生徐鍇曰象蛇  
之變化有文章也四月巳主蛇楊慎曰子鼠丑牛十二屬  
之說天地自然之理非人能爲也觀篆字巳作蛇形亥作  
豕形餘可推矣韻案術數家以三十六禽配十二辰  
其配巳者爲蛇蚘蛞蝓鐘鼎文龍字從巳龍蛇同類

己

用也從反巳賈侍中說己意己實也象形

羊止切

戴侗曰唐本作弘  
終漢孔宙碑作弘

用也者廣雅同易師卦能以眾正明夷文王以之虞云以  
用也王肅云惟文王能用之書洛誥以予小子揚文武烈  
梓材厥命曷以立政司牧人以克俊有德詩載芟侯彊侯  
以傳云以用也谷風不我屑以大東不以服箱箋並云以  
用也士昏禮以清醑注云以用也周禮卿大夫退而以鄉  
射之禮五物詢眾庶注云以用也會子問子游之徒有庶  
子祭者以此注云以用也用此祭也春秋桓十四年宋人  
以齊人蔡人衛人陳人伐鄭趙氏集傳云不用我師而用  
彼師曰以僖二十六年左傳凡師能左右之曰以釋例云  
謂求助於諸侯而專制其用成八年傳霸主將德是以襄  
十年傳我辭禮矣彼則以之昭四年傳苟利社稷必以史  
之杜注並云以用也楚辭九章忠不必用兮賢不必以史  
記司馬相如傳何為無用應哉漢書作無以曹植王仲宣  
誄何用誄德表之素旗何用即何以賈侍中說己意己  
實也者徐錯本作已意以實覆謂當為已語已實本書蓄  
下云蓄蓄當作已玉篇已意也實也宋人重修沿本書蓄  
之誤

文二

十 梧也五月陰氣午逆陽冒地而出此子矢同意凡午

之屬皆從午 疑古切

釋天太歲在午曰敦牂淮南天文訓太陰在午歲名曰敦牂高注敦盛牂壯也言萬物盛壯也大也言物皆長大漢書律歷志罅布於午

梧也者午梧聲相近廣雅午作也淮南天文訓午者作也哀公問午其眾以喪有道注云午其眾逆其族類也大戴作忤荀子富國篇午其軍楊注午讀為逆漢書楚元王傳朝臣舛午膠戾乖刺五月陰氣午逆陽冒地而出也者徐錯曰入為陽一為地一為陰氣貫地午逆陽也五月陽極而陰生孔穎達曰五月夏至日北極陰進而陽退本書五下云陰陽在天地間交午也史記律書午者陰陽交故曰午易乾鑿度離長之於南方位在五月釋名午作也陰氣從下上與陽相忤逆也於易為離離麗也物皆附麗陽氣以茂也月令仲夏之月陰陽爭注云爭者陽方盛陰欲

起也淮南天文訓夏至陽氣極陰氣萌白虎通五月律謂之蕤賓何蕤者下也賓者敬也言陽氣上極陰氣始起故賓敬之漢書律歷志蕤賓蕤繼也賓導也言陽始導陰氣使繼養物也位於午在五月五經通義夏至陰動未達故寢兵鼓陽而上之故大熱於上又云夏至陰始動未達故寢兵鼓不設政事所以助陰氣也三禮義宗夏至一以明陽氣之至極二以助陰氣之始至此予矢同意者予徐錯本作與錯曰午者正衡之也矢亦相衡逆也

又

逆也從午吾聲

五故切

字或作許漢印程許戰國策魏有樓許呂氏春秋明理篇大亂世之民長短頡頏百疾注云許猶大許逆也既無節度大逆為變詐之疾也

逆也者本書爭悟也高唐賦陬互橫悟李善云悟逆也世說新語忿狷篇司州言氣少有悟逆於螭或作悟漢書酷吏傳大姓西高氏東高氏自郡吏以下皆畏避之莫敢與悟顏注悟逆也王莽傳財饒執足以下皆畏意顏注悟逆也無人能悟其意也史記集解序或有牴悟笙賦郁攄劫悟李善云劫悟氣相衝激又或作忤廣韻悟與忤同逆也鬼

谷子有忤合篇注云將合於此必忤於彼燕策勇士秦武陽年十三殺人人不敢忤視姚本悟作忤又或作迂一切經音義七忤又作迂忤迂三形同觸忤也聲類迂逆不遇也漢書食貨志好惡乖迂幽通賦上聖迂而後拔兮曹大家曰迂觸也洞簫賦氣旁迂以飛射兮李善云旁迂言氣競旁出遞相逆迂也又或作迕廣韻迕干迕釋言迕寤也郭注相干寤又通作迕莊子達生篇迕物而不懾釋文引爾雅迕忤也又或作蘊莊子寓言篇使人乃以心服而不敢蘊立又作悟史記天官書鬼哭若呼其人逢悟注悟迎也又作悟史記韓非傳大忠無所拂解悟言無所擊排又作悟釋名當途曰梧邱梧忤也與人相當忤也長門賦離樓梧而相撈五臣云梧逆也漢書項羽傳莫敢枝梧田瓚曰小柱為枝邪柱為梧惠棟曰聘禮賓進謁注云今文謁為梧公會大夫禮上介受賓幣從者謁受皮注云今文謁梧受既夕若無器則梧受之注云謂對相受疏云梧卽逆也對面相逢受案梧本作悟訓為逆謁亦逆也

文二

木

味也六月滋味也五行木老於未象木重枝葉也凡

未之屬皆從未

無沸切

律天太歲在未曰協洽李巡云陽氣欲化萬物故曰協洽協和洽合也馥案陽氣當為陰氣高注淮南天文訓陰欲化萬物

和合協洽漢書律歷志味爰於未

律名未味也日中則昃向幽味也

味也者廣雅未味也白虎通未味也淮南天文訓未者味也禮運注云五味酸苦辛鹹甘也六月滋味也者易乾

鑿度坤養之於西南方位在六月白虎通六月律謂之林

鍾何林者眾也萬物成熟種類眾多本書利下云未物成

有滋味芹下云果孰有味書洪範木曰曲直曲直作酸檀

弓必有艸木之滋焉注云增以香味史記律書未者言萬

物皆成有滋味也五行大義論未者味也物向盛皆有氣

味也晉書樂志六月未未味也言時物向成有滋味漢書

律歷志林鍾林君也言陰氣受任助蕤賓君主種物使長

大椿盛也位於未任六月五行木老於未者淮南天文

訓木生於亥盛

於卯死於未

文一



申

神也七月陰氣成體自申束從日自持也吏以舖時

聽事申旦政也凡申之屬皆從申

失人切

本書坤下云土位在申釋天太歲在申曰涖萬物皆循精氣故曰涖涖單盡也孫炎云涖涖萬物吐秀傾垂之貌淮南天文訓太陰在申歲名曰涖難脩萬物皆脩其精氣腹案兩脩字並當為循序意篇歲在涖涖高注涖大也也史記律書申者言陰用事申賊萬物故曰申歷志申堅於申白虎通七月律謂之夷則何夷傷則法也言萬物始傷彼刑法也神也者申神聲相近風俗通神者申也伸也伸復無己終而復始本書傷神也者漢書律歷志夷則則法也言陽氣正法度而使陰氣夷當傷之物也位於申在七月時萬物身體皆成就通典七月之辰名申申者身也物皆身體而成就故名為申徐鍇曰七月三陰故曰陰氣成馥案徐讀成字絕句似誤其曰三陰者所起起於陰陽陰陽往來在於日道五月夏至日北極陰

進而陽退夏火位也當以一陰生爲大數但陰不名奇數  
必以偶故以六月二陰生爲火數也馥案六月二陰則七  
月三陰矣自申束者本書疎下云束自申束也黜下云  
讀若染繪中束緌黜中束當爲申束釋名申身也物皆成  
其身體各申束之使備成也從曰自持也者本書中從  
曰象人要自曰之形吏以舖時聽事申旦政也者本書  
舖日加申時會也月令占候圖立秋舖申初學記鼓施於  
府寺曰朝舖鼓昭元年左傳朝以聽政夕以修令哀十四  
年左傳子我夕杜注夕視事背祿別傳祿代蔣琬爲尙書  
令以朝舖聽事鍾離意別傳意署功曹史爲府立條式太  
守謂意曰功曹頃立嚴科太守觀察朝舖吏無大小莫不  
畏威績漢書宋均爲九江太守五日一聽事冬以日終夏  
以平旦陳書沈洙傳載周弘正議測因云測人時節本非  
古制近代已來方有此法起自舖鼓迄於二更豈是常人  
所能堪忍

# 古文印

本書虹籀文從申作

陳古文從申作

說文解字

卷四十八

三

連筠移叢書

𥝌 籀文𥝌

本書𥝌下云

昌古文𥝌

𥝌 擊小鼓引樂聲也從𥝌東聲切 羊晉

擊小鼓引樂聲也者玉篇𥝌小鼓在鼓上擊之以引樂也詩有𥝌應田縣鼓箋云田當作𥝌𥝌小鼓在大鼓旁應𥝌之屬也𥝌轉字誤變而作田從申東聲者詩有𥝌正義云𥝌字以東為𥝌𥝌既轉去東唯有申在申字又誤去其上故變作田也馥案田陳𥝌近非形誤徐鍇本有周禮曰小樂事鼓𥝌讀若引十一字馥案所引春官小師文彼作𥝌注云𥝌小鼓名讀若引者纂要應鼓曰鞀鼓亦曰鞀鼓亦曰田鼓𥝌者引也言先擊小鼓以引大鼓也周禮大師令奏鼓𥝌鄭司農云𥝌小鼓也先擊小鼓乃擊大鼓小鼓為大鼓先引故曰𥝌讀為道引之引

𥝌 束縛拴拴為𥝌從𥝌從𥝌切 羊朱

束縛拴拴為𥝌者楊慎曰史記庾城獄中注不明庾義案說文束縛拴拴為𥝌與𥝌庾古字通也焦氏筆乘說同史記

淮南衡山列傳日夜從容勸之漢書作縱與與容古通用  
鬼與區亦作鬼容區縱與謂強摺之也從申從入者徐  
錯曰申束縛也入屈也積案

𠂔

與與也從申入聲

余制切

易睽卦見與與

七啓與文孤

與與也者一切經音義十九引作申也牽也玉篇與申也  
牽也本書托曳也樓曳聚也友從犬而人之曳其足則刺  
友也賈誼弔屈原文賢聖逝曳兮胡廣曰逆曳不得  
順道而行也入聲者本書尸批也象批引之形

文四 重二

酉

就也八月黍成可爲酎酒象古文酉之形凡酉之屬

皆從酉

與久切

釋名酉秀也秀者物皆成也於易爲兌兌說也物得備足皆  
喜說也史記律書酉者萬物之老也故曰酉白虎通酉

說文解字義證卷四十八

三

連筠移筆書

者老物收斂又云八月律謂之南呂何南者任也言陽氣尙有任生養麥也故陰拒之也漢書律歷志畱孰於酉晉書樂志八月酉酉縮也言時物皆縮縮也通典八月之辰名酉酉者猶縮之義此月時物皆縮小而成也故謂之酉釋天太歲在酉曰作噩李巡云作噩皆物枝起之貌淮南天文訓太陰在酉歲名曰作鄂高注作鄂零落也萬物皆落

就也者廣雅同酉就聲相近通作酉太元酋西方也秋也物皆成象而就也八月黍成可爲酎酒者易乾鑿度兌收之於西方位在八月漢書律歷志南呂南任也言陰氣旅助夷則任成萬物也位於酉在八月本書釁從酉酉所以祭也黍可爲酒禾入水也聘禮注云凡酒稻爲上黍次之梁次之明堂月令孟秋天子飲酎漢舊儀八月飲酎西京雜記漢宗廟八月飲酎漢書音義正月旦作酒八月成名曰酎



古文酉從卯卯爲春門萬物已出卯爲秋門萬物已

入一閉門象也

汗簡引作乖 古文尙書舊作乖 管子幼官篇春三耶十

二始耶十二中耶十二小耶而始耶合男女秋三耶十二始

耶十二中耶十二小耶而始耶合男女秋三耶十二始

歲在己酉何休謂歲在己卯 昭二十二年十有二月癸酉

朔杜注以長歷推按前後當爲癸卯朔書癸酉誤 參同契

二月榆落魁臨於卯八月麥生天岡據卯案據則當爲據耶

耶爲春門萬物已出耶爲秋門萬物已入者本書卯下云

二月萬物冒地而出象開門之形故二月爲天門顯謫吉

曰漢李氏鏡銘白虎辟耶主除道白虎西方之獸屬秋耶

爲秋門辟耶猶辟門也辟讀若闔闔之闔白虎通春卽祭

戶戶者人所出入亦春萬物始觸戶而出也淮南子仲春

始出仲秋始內注云出二月播植也內八月收斂也易闔

戶謂之坤闔戶謂之乾僖五年左傳凡分至啓閉必書雲

物服虔曰啓立春夏也陽氣用事爲啓閉立秋冬也陰氣

用事爲閉分至啓閉天地之大節陰陽之分也漢書五行

志雷以二月出其卦曰豫以八月入其卦歸妹大射禮樂

人宿縣於阼階東笙磬西而其南笙鐘注云笙猶生也東

爲陽中萬物以生是以東方鐘磬謂之笙禮又云西階之

西頌磬東面其南鐘注云成功曰頌西爲陰中萬物之所

成是以西方鐘磬謂之頌 一開門象也者徐錯本作從

酒

中就也所以就人性之善惡從水從酉酉亦聲一曰造

也吉凶所造也古者儀狄作酒醪禹嘗之而美遂疏

儀狄杜康作秫酒

子酉切

春秋元命苞酒乳也五者法酒廣以布政施天乳以哺人  
釋名酒亦言取也能否皆憑相取持飲之也又入口咽之皆  
取其面也詩賓之初筵傳云酒所以安體也酒經空桑  
穢飯醢以黍稷以成醇醪酒之始也烏梅女靛甜醪九投澄  
清百品酒之終也

就也所以就人性之善惡者酒就聲相近衛宏說酒誥云  
以慎酒成就人之道六韜太公說五盜云盜在其室計之  
不熟四盜其事就酒靈樞經黃帝曰快土之得酒怒不避  
勇士者何藏使然少俞曰酒者水穀之精熟穀之液也其  
氣慄悍其入於胃中則胃脹氣土逆滿於胃中肝浮膽橫  
當是之時固比於勇士氣衰則悔與勇士同類不知避之

名曰酒悖也 一日造也吉凶所造也者初學記引作吉  
凶所起造也御覽同酒造聲相近王肅家誠夫酒所以行  
禮養性命歡樂也過則爲患不可不慎是故賓主百拜終  
日飲酒而不得醉先王所以備酒禍也禍福變與常於此  
作所宜深慎 古者儀狄作酒醪禹嘗之而美遂疏儀狄  
者魏策昔者帝女令儀狄作酒而美進之禹飲而甘之遂  
疏儀狄絕旨酒曰後世必有以酒亡其國者孟子禹惡旨  
酒趙注旨酒美酒也儀狄作酒醪變五味古史考禹時儀狄作  
絕旨酒世木儀狄始作酒醪變五味古史考禹時儀狄作  
酒急就篇酤酒釀醪極程顏注古者儀狄作酒醪禹嘗  
而美遂疏儀狄呂氏春秋勿躬篇儀狄作酒淮南脩務訓  
儀狄作酒泰族訓儀狄爲酒禹飲而甘之遂疏儀狄而絕  
旨酒所以過流湔之行也王粲酒賦帝女儀狄旨酒是獻  
張載鄴酒賦感夏禹之防微悟儀氏之見疏 杜康作秫  
酒者本書常下云古者少康初作箕帚秫酒少康杜康也  
世本少康作秫酒博物志杜康作酒魏武帝短歌行何以  
解憂惟有杜康王觀國曰李瀚蒙求杜康造酒夏書曰甘  
酒嗜音則酒非始於杜康康能變其醪釀之法耳文選七  
啓乃有春清縹酒康狄所嘗張載酤酒賦嘉康狄之先識  
亦應天而順人擬酒旗於元象造甘醴以頤神抱朴子酬



靈戶楊氏果

營者不可非杜儀之為酒祖台之諫王荊州或酒書願召  
殛儀狄於羽山放杜康於三危劉淡酒箴爰建上業曰康  
曰狄江統酒誥酒之所興肇自上皇或云儀狄一曰杜康  
趙整酒德歌地列酒泉天垂酒旗杜康妙識儀狄先知

酉

籒生衣也從酉家聲

切莫紅

籒生衣也者齊民要術造笨籒餅法籒成打破看餅內乾  
燥五色衣成便出曝之又清籒法但候籒香沫起便下釀  
過久籒生衣則為失候又祝籒文衣色錦布或蔚或炳字  
或作籒玉篇籒有衣籒也女籒也廣韻籒籒生衣兒廣雅  
籒籒也曹憲音蒙又作籒方言  
籒籒也又作籒集韻籒浮醖

酉

孰籒也從酉甚聲

切余箴

孰籒也者廣韻同玉篇誤作熱籒也集韻醖  
籒熟五音集韻醖熟籒火藏廣雅醖曲也

酉

醖也作酒曰醖從酉襄聲

切女亮

醖也作酒曰醖者一切經音義九引三蒼米籒所作曰醖  
廣雅醖醖也顏注急就篇醖之曰醖白帖崔寔無資產以

酤釀爲業四民月令十月上辛命典饋清劑釀冬酒中山  
經其祠繫釀注云以釀作醴酒也史記孟嘗君傳乃多釀  
酒貨殖傳一歲千釀漢書食貨志一釀用麴米二斛爲一  
斛得成酒六斛六斗魏氏春秋阮籍開步兵厨多美酒營  
人善釀求爲校尉傳元酒序或三釀而速成或九釀而後  
成世說劉惔曰見何次道飲酒使人欲傾家釀語林羊琇  
冬月令人抱甕釀酒



醴也從酉盃聲

於問切

醴也者一切經音義十三同廣雅醴醴也南都賦酒則九  
醴甘醴魏武帝上九醴法奏曰三日一釀滿九卮米止臣  
得法醴之常善其上清滓亦可飲若以九醴苦難飲增爲  
十釀易飲不病九醴用米九斛十釀用米十斛曹植酒賦  
或秋藏冬發或春醴夏成公綏七唱秦無清醴先和宜  
醇香旗九醴淵澄十句寰宇記烏程縣引郡國志云古烏  
程氏居此能醴酒故以名縣



酒疾孰也從酉弁聲

芳萬切

酒疾孰也者集韻齋不釋米釀也廣韻  
齋一宿酒玉篇齋酒熟也釀一宿也

醪

酒母也從西余聲讀若廬

同都切

酒母也者三蒼釀酒母也徐鉉曰此蓋酒之初和頭也本  
書齋下云讀若江南謂酢母為齋馥謂酒母猶酢母也

請若廬者或作廬齊民要術有粟  
米廬酒蓋釀亦酒名所謂酢釀

醴

下酒也一曰醇也從酒麗聲

所綺切

下酒也者本書醴酒也趙宦光曰下酒者去糟取清也  
陶潛葛巾釀酒是也廣雅醴醴也詩伐木釀酒有與傳云  
以筐曰釀以藪曰涓釋文釀謂以筐漚酒正義筐竹器也  
藪草也釀酒者或用筐或用草於今猶然後漢書馬援傳  
援乃釀牛釀酒注云釀酒漚也一曰  
醇也者鄭注酒正云清謂醴之漚者

醕

醕酒也從酉昌聲

古玄切

醕酒也者玉篇醕以孔下酒也案廣韻醕盆底孔齊民  
要術粟米廬酒以冷水澆筒飲之醕出者歇而不美

醕

醕也從酒鬲聲

郎擊切

醕也者徐鍇本作醕也鍇曰醕甘美也腹案玉篇醕美酒也本書無醕字當為清酒舊酒也詩有酒清我玉篇醕施酒也廣韻

醕

酒一宿孰也從酒豎聲

盧啓切

六書故醕為酒之先飲之不至甚醉故記曰元酒在室醕醕在戶黍醕在室澄酒在下尊之也又曰醕而飲醕酒始飲酒者先飲醕酒為其不至甚醉也漢穆生不嗜酒楚王常為設醕亦為是也王藻五飲上水漿酒醕醕詩振鷺為酒為醕詩詰醕酒之甘濁而不冲者土冠禮曰甘醕維厚論衡自紀篇酒醕異氣飲之皆醉哀十一年左傳進稻醕釋文以稻米為醕酒高注淮南云醕以漿不以麴濁而恬韓詩醕甜而不滌也西京雜記鄒陽酒賦清者為酒濁者為醕清者望明濁者頑駭鄭注周禮漿人云飲醕用酒者糟也不用糟者清也又注酒正云清謂醕之煉者白漿一宿孰也者玉篇醕甜酒也一宿熟也楚詞大招吳醕白漿和楚醕只王注再宿為醕漢書楚元王傳穆生不耆

兌文解字義登

卷四十一

言

連筠多黃書

酒元王每置酒常為穆生設醴顏注醴甘酒也少藺多米

一宿而熱食經雞鳴酒法秬米二升作糜麴三升以水五

酉

汁滓酒也從酉習聲

習刀切

汁滓酒也者後漢書馬融傳注引同寇恂傳注又引作兼  
汁滓酒一切經音義二引作有滓酒也廣韻醪濁酒集韻  
醪謂之醪醪顏注急就篇汁滓酒曰醪詩七月為此春酒  
傳云春酒凍醪也漢書文帝紀為酒醪以靡穀者多李廣  
傳持糲醪遺廣顏注並云醪汁滓酒也袁盎傳買二石醪  
醪顏注醪汁滓合之酒也後漢書樊儵傳又野王歲獻甘  
醪膏錫注云醪醇酒汁滓相將也劉伯倫酒德頌捧甕承  
槽銜杯漱醪齊民要術有造神麴粳米醪法瀝麴汁於甕  
中即酸飯候米消又酸八斗消盡又酸八斗凡三  
酸畢苦酒苦者更以二斗酸之此合醪飲之可也

酉

不澆酒也從酉孽聲

常倫切

不澆酒也者顏注漢書袁盎傳云醇者不雜言其醪也朗  
陵何公夏封清酒法判麴先布甕底以黍一斗用水五升

澆之一切經音義十一醇不澆酒也亦十旬酒也內則酒醴清糟黍醴清糟梁醴清糟往云糟醇也清澆也魏都賦醇耐中山沈酒千日齊民要術三升不澆大醉必死



厚酒也從酉需聲詩曰酒醴維醴

而主切

厚酒也者詩正義引同徐幹齊都賦五齊惟醴呂氏春秋肥肉厚酒務以相強詩曰酒醴維醴者大雅行葦文傳

云醴厚也



三重醇酒也從酉從時省明堂月令曰孟秋天子飲

酎除柳切

本書酉下云八月黍成可為酎酒漢舊儀大祠曰飲酎漢大樂律卑者之子不得舞宗廟之酎袁宇記袁州宜春耐隨歲舉上貢袁子正論長安九釀抱朴子一釀之酒不可以方九釀之醇隋圖經常山有大井昔云釀耐千日即是此井所醴齊民要術粳米耐酒色似麻油先能飲好酒一斗者惟禁得升半飲三升大醉與人此酒先問飲多少兌文解字長安卷下

連筠移叢書

裁量與之一斗酒醉二十人得者無不傳餉規知以為恭  
拾遺記張華以西羌襲漬北地麥為醇酒大醉不搖蕩令人  
肝腸爛當時謂之銷腸酒世說張華與客共飲九醞為酣  
暢夜醉眠張常飲此酒眠輒使人左右轉側其夜忌敕左右  
而左右依常為轉側至明起客不起視之酒果穿腹流牀下泐忙

三重醇酒也者稽康酒賦重酌至清淵凝冰潔襲二十二  
年左傳見於嘗耐杜注酒之新熟重者為耐嘗新飲酒為  
嘗耐傅遜注耐三重醇酒從時省者戴侗曰蜀本從肘  
省督徐本從時省誤以肘為時餽案誤為時故刪去替字  
明堂月令曰孟秋天子飲耐者戴侗曰蜀本作孟夏月  
令孟夏之月天子飲耐注云耐之言醇也謂重醲之酒也  
春酒至此始成呂氏春秋孟夏紀是月也天子飲耐川禮  
樂注云耐春醲也是月天子乃與羣臣飲酒作樂詩云為  
此春酒以介眉壽餽案此皆言孟夏飲耐本書引月令當  
作孟夏楚詞招魂挫糟凍飲耐清涼些王注凍冰也耐醇  
酒也言盛夏則為覆甕乾醲提去其糟但取清醇居之冰  
上然後飲之酒寒涼又長味好飲也大招四耐并孰不罷  
盥只清馨凍飲不歡役只王注凍猶寒也醇醲之酒清而  
且香宜於寒飲餽案此亦夏日飲耐漢則以八月西京雜

醴

濁酒也從酉盜聲

切

記漢制宗廟八月飲酎川九醴太半皇帝侍祠以正月旦  
作酒八月後成名曰酎一口九醴一名醇酎漢儀諸侯王  
歲以戶口耐黃金於漢廟皇帝臨受獻金金不如斤兩色  
惡王削縣侯免國注云因八月嘗酎會諸侯廟中出金助  
祭謂之酎金耐正月旦作酒八月成三重醴酎酒也味厚  
故以薦宗廟金黃金也不如法者奪爵漢書景帝紀高廟  
酎張晏曰正月旦作酒八月成名曰耐酎之言純也至武  
帝時因八月嘗酎會諸侯廟中出金助祭所謂耐金也酸  
案此皆言孟秋飲酎張載謂酒賦醇耐秋發陸機七羨洲  
陰有耐其色澄清秋醪春醴酒惟九成此亦言耐以秋成

濁酒也者通作盜周禮酒正辨五齊之名三曰盜齊注云  
盜猶翁也成而翁翁然蔥白色如今鄧白矣或作醱淮南  
說林訓清醱之美始於耒耜高注醱音養  
清酒也醱案清醱醱之清者故云清酒

酎

厚酒也從酉農聲

切

厚酒也者李善注七發引同廣雅醱厚也三蒼醇醱也通  
作農書洪範農用八政傳云農厚也正義鄭元云農讀爲



醲則農是醲  
意故爲厚也

西

酒也從酉苴聲

切而容

昔聲者玉篇廣韻並無酤字玉篇酤汝史切重釀也廣韻  
酤女利切重釀酒也集韻平聲酤如容切說文酒也一日  
酒重釀者去聲酤酤女利切字林重釀也或作酤類篇酤  
如容切說文酒也一日酒重釀者酤女利切字林重釀也  
又仍吏切殷酒也一日次釀棧案集韻類篇酤下並引說  
文酤下並引字林玉篇廣韻則有酤無酤是本書與字林  
並從耳後譌從昔音隨字變集韻類篇所引說文非許氏原文

西沽

一宿酒也。一曰買酒也。從酉古聲。

古乎切

一宿酒也者集韻酤謂之奢廣韻奢一宿酒詩伐木無酒  
酤我傳云酤一宿酒也一日買酒也者顏注急就篇買  
酒曰酤詩伐木箋云酤買也史記高祖紀每酤畱飲酒饗  
數倍吳志潘璋嗜酒居貧好賒酤王褒僮約寡婦楊惠舍  
有一奴名便了倩行酤酒便了曰大丈夫買便了時只約守  
豕不約爲他家男子酤酒又云舍中有客提壺行酤通作

沽周禮萍氏幾酒注云苛察沽買過多東觀漢記呂母釀  
醇酒少年來酤者皆賁與之馥案酤又爲賣廣雅酤賣也  
論語有美玉於斯韞匱而藏諸求善賈而沽諸馬融曰沽  
賣也又沽酒市脯不啗正義云沽賣也酒不自作未必精  
潔東觀漢記禁民無得酤賣酒麴尸子屠者割肉知牛多  
少則沽者亦知酒之多少也韓非外儲說宋人有沽酒者  
升繁甚平遇客甚謹爲酒甚美縣幟甚高著然不售淮南  
說林訓爲酒人之利而不酤則竭高注不欲使酒人得利  
不酤而先自竭漢書會貨志詩曰無酒酤我而論語曰酤  
酒不啗二者非相反也夫詩據承平之世酒酤在官和旨  
使人可以相御也論語孔子常用衰亂酒酤在民薄惡不  
誠是以疑而弗會景帝紀禁酤酒顏注酤謂賣酒也賈誼  
書鄒穆公死百姓若失慈父酤家不售其酒裴子野宋畧  
廢帝於華林園列肆親自酤賣後魏書鄭義西門受羊酒  
東酤賣之晉書阮籍傳鄰家少婦當釀沽酒隋書劉昉傳  
昉使妾當釀沽酒通鑑崔允聽酤者自造勅鄭注司市債  
字一曰買一曰賣賈疏謂順文爲義馥謂此酤亦然晏子  
人有酤酒者爲器甚潔清置表甚長而酒酸不售問之里  
人其故里人云公狗之猛人挈器而入且酤公酒狗迎而  
噬之此酒所以酸而不售也馥案上酤字爲賣下酤字爲

買所謂順  
文為義也

**𣎵**

酒也從酉𣎵省聲

陟离切

酒也者玉篇  
醕酒厚也

**醕**

泛齊行酒也從酉監聲

盧瞰切

泛齊行酒也者廣韻醕醕觴周禮五齊一曰泛齊注云泛者成而淳淳泛泛然王粲酒賦辨其五齊節其三事醕沈盎泛清濁各異

**醕**

酒味淫也從酉醕省聲讀若春秋傳曰美而醕

古禪切

酒味淫也者徐鍇曰淫  
長也玉篇醕酒味苦也

**𣎵**

酒味苦也從酉今聲

咽嫌切

酒味苦也者齊民要  
術有作諸苦酒法

醕

酒厚味也從酉告聲

苦淡切

酒厚味也者廣韻引作酒味厚也玉篇同書正義云說文云醕酒厚味也酒味之厚必嚴烈人之暴虐與酒嚴烈同故謂之醕史記司馬相如傳芬香漚鬱醕烈淑郁蜀都賦芬芳醕烈後漢書張衡傳美髮積以醕烈今注云醕烈香氣盛也

醕

酒味長也從酉寧聲

徒耕切

酒味長也者集韻引作酒味苦也宋本小字本李燾本並同玉篇廣韻並作酒味不長也洞簫賦良醕醕而有味

醕

酒色也從酉出聲

普活切

酒色也者廣韻醕酒氣與醕義同字林醕酒氣也

醕

酒色也從酉己聲

滂佩切

酒色也者玉篇醕酒色

酖

酒色也從酉弋聲

與職切

廣雅作忒

醖

爵也一曰酒濁而微清也從酉菱聲

阻限切

徐鉉所加本書等夏曰琰明堂位夏后氏以琰

酌

盛酒行觴也從酉勺聲

之若切

盛酒行觴也者本書醋客酌主人也博物志東夷有國謂行酒為行觴秦之遺也漢書蓋寬饒傳無多酌我我乃酒

醕

冠娶禮祭從酉焦聲

子肖切

冠娶禮祭也者玉篇醕冠娶妻也禮祭也廣雅醕祭也少儀飲酒者醕者醕者有折俎不坐注云始冠曰醕冠義醕於客位士冠禮始加醕用脯醢昏禮父親醕子而命之注云酌而無醕醕曰醕士昏禮庶婦則使人醕之注云酒不

酬酢

日醴

醴

醴或從示

醴

飲酒也從酉替聲

子朕切

醴

少少飲也從酉勻聲

余刃切

少少飲也者玉篇酌少飲也與醴同廣韻醴酒漱口也腹  
 案鄭注特牲饋食禮云今文醴為酌又注士虞禮云古文  
 醴為酌兩酌字皆酌之譌顏注漢書賈山傳醴者少少飲  
 酒謂會已而蕩口也七發蘭英之酒酌以滌口曲禮主人  
 未辨客不虛口注云虛口謂醴也釋文嗽口也以酒曰醴  
 以水曰嗽樂記執爵而醴正義謂會訖天子親執爵而醴  
 口也士昏禮贊洗爵酌醴主人注云醴漱也醴之言演也  
 安也昏義合盃而醴正義醴演也謂會畢飲酒演安其氣  
 特牲饋食禮主人洗角升酌醴尸注云醴猶衍也  
 士虞禮主人洗廢爵酌酒醴尸注云酌安會也

醴

主人進客也從酉鬲聲

市流切

主人進客也者徐鍇本作獻酬主人進客也釋訓酬報也  
皇侃論語義疏初主人酌酒與賓曰獻賓飲獻畢而酌與  
主人曰醋主人飲醋畢又酌與賓曰酬詩節南山如相醋  
矣箋云如賓主飲酒相醋酢也楚茨獻醋交錯箋云始主  
人酌賓為獻賓既酌主人主人又曰飲酌賓曰醋瓠葉君  
子有酒酌言酌之傳云釀道飲也箋云主人既卒酢爵又  
酌白飲卒爵復酌進賓猶今俗之勸酒彤弓一朝釀之傳  
云釀報也箋云飲酒之禮主人獻賓賓酢主人主人又飲  
而酌賓謂之釀釀猶厚也勸也鄉射禮主人坐取解於篚  
以降注云將酬賓又云賓西階上筵立主人實解酬之注  
云酬勸酒鄉飲酒禮主人實解酬賓注云酬勸酒也酬之  
言周忠信為周疏云此解主人將酬賓先自飲之意以其  
酬賓若不自先飲是不忠信恐賓不飲示忠信之道故先  
自飲乃飲賓為酬也士冠禮主人酬賓束帛儷皮注云飲  
賓客而從之以貨財曰酬

醕或從州

醕

客酌主人也從酉管聲

在各切

客酌主人也者玉篇醋報也進酒於客曰獻客答主人曰  
酢蒼頡篇主答客曰酬客報主人曰醋有司徹受三獻爵  
酌以醋之醢鉢觥特牲饋食禮祝酌授尸尸以醋主人注  
云醋報也通作酢釋詁酢報也易繫辭是故可與酬酢釋  
文京作醋詩賓之初筵三爵不識箋云三爵者獻也酬也  
酢也行草或獻或酢箋云進酒於客曰獻客答之曰酢觶  
某酌言酢之傳云酢報也箋云報者賓既卒爵洗而酌主  
人也少儀酢爵注云酢所以酢主人也鄉射禮賓賓爵主  
人之席前東南面酢主人注云酢  
報又大夫降洗注云將酢主人也

醴

飲酒俱盡也從酉盞聲

切迷必

醑

飲酒盡也從酉陽省聲

切子肖

飲酒盡也者李善注七命引同本書獻盡酒也廣雅醑盡  
也曲禮長者舉未醑少者不敢飲注云盡爵曰醑士相見  
禮君卒爵然後授虛爵注云必俟君卒爵者若欲醑然也  
韓非外儲說魯人見長年飲酒不能醑則睡之淮南道應  
訓文侯受觴而飲醑不獻高注醑盡也吳都賦醑鼓震五  
臣云醑盡爵也通作醑荀子禮論篇利爵之不醑也注謂



祭祀告利成其爵不卒與於筵前也大戴禮禮三本篇作  
 利爵之不卒也又通作嚼史記游俠列傳與人飲使之嚼  
 徐廣音子妙反盡酒也漢書作醕顏注盡酒曰醕說苑魏  
 文侯與大夫飲酒使公乘不仁為鵠政曰飲不嚼者浮以  
 大白文侯飲而不盡爵公乘不仁舉白浮君續漢書五行  
 志嚼復嚼者京都飲酒相強之詞也 嚼省聲者徐鉉本  
 作啗營五經異義引韓詩說一升曰爵爵盡  
 也服注左傳爵者醺也所以醺盡其材也

酉

酒樂也從酉從甘甘亦聲

切

酒樂也者御覽書正義引作樂酒也玉篇醕樂酒也書  
 伊訓醕歌于室傳云樂酒曰醕正義言醕酒以自樂也一  
 切經音義五漢書應劭曰不醉不醒曰醕一云樂酒曰醕  
 楚辭章句引詩樂酒今昔酒誌在後嗣王醕身傳云醕  
 樂其身喪大記食肉飲酒不與人樂之燕策與代王飲酒  
 醕樂呂氏春秋長攻篇代君至酒醕注云醕飲酒合樂之  
 時漢書司馬相如傳於是酒中樂醕顏注酒中飲酒中半  
 也樂醕奏樂洽也應場建章臺詩樂飲不知疲吳都賦醕  
 清半五臣云醕酒洽也風俗通魯有右成叔聘衛右宰殺  
 鴈而觴之陳樂而不樂酒醕而不飲魏畧王朗與許靖書

樂酒酣譙宋書庾陵王義真傳縱博酣酒南齊書崔祖思  
傳嗜音酣酒梁書謝覽傳覽頗樂酒袁宏有夜酣賦通作  
甘書五子之歌甘酒嗜音釋文甘一音戶甘反復案玉篇  
引作酣淮南繆稱訓故人之甘甘非正爲耽也高注人之  
甘甘猶樂  
樂而爲之

醕

樂酒也從酉尤聲  
丁含切

樂酒也者詩抑荒湛于酒箋云湛樂於酒釋文湛都南反  
淮南修務訓沈醕醕荒張璠漢紀孔融愛才樂酒竹林七  
賢論阮籍性樂酒管輅別傳諸葛樂戒之曰卿性樂酒當節之

醕

私宴飲也從酉區聲  
依據切

私宴飲也者字林同本書饌燕會也醕醕聲同詩常棣飲  
酒之飲魏都賦注引韓詩飲酒之醕韓詩云夫飲之禮不  
脫履而卽序者謂之禮跪而上坐者謂之宴能飲者飲之  
不能飲者已謂之醕角弓如食宜醕箋云王有族會族燕  
之禮正義云大宗伯以飲食之禮親宗族兄弟文王世子  
曰若公與族人燕則以異姓爲賓膳宰爲主人族會世降  
兌文解字彙登

兌文解字彙登

連筠移叢書

靈石楊氏

一等大傳云綴之以食而弗殊是王有族食族燕之禮也  
閔宮魯侯燕喜箋云燕燕飲也文選鮑明遠詩宴慰及私  
辰

醕

會飲酒也從酉康聲

其虐切

會飲酒也者廣韻醕斂錢飲酒玉篇醕合錢沽酒醕會也  
禮器周禮其猶醕與注云合錢飲酒為醕王居明堂之禮  
仲秋乃命國醕史記貨殖傳歲時無以祭祀進醕飲會徐  
廣曰會聚會列女傳魯母師傳妾恐其醕醕醉飽荆楚歲  
時記出錢為醕出會為醕通鑑嚴挺之上疏醕  
者因人所利合醕為歡往云醕合錢飲酒也

醕

醕或從巨

醕

王德布大飲酒也從酉甫聲

薄乎切

王德布大飲酒也者史記素隱引作王者布德大飲酒也  
醕布聲相近顏師古曰醕之為言布也王德布於天下而  
合聚飲會為醕史記孝文本紀醕五日周禮族師春秋祭  
醕注云醕者為人物災害之神也族無飲酒之禮周祭醕

而與其民以長幼相醺醺詩良和羹云又有祭醺合醺  
之歡周禮校人冬祭馬步杜子春云步即醺也齊策完者  
內醺而華樂鮑注醺大飲史記趙世家行賓大赦置酒醺  
五日秦始皇本紀天下大醺正義云天下歡樂大飲酒也  
漢書音義文穎曰漢律三人已上無故羣飲罰金四兩今  
恩詔橫賜得令聚會飲食五日醺布也言天子布恩於天  
下王觀國曰然則春秋祭醺者歲二醺也故後之里社聚  
飲者亦謂之醺漢律無故羣飲者有罰因恩詔賜醺而後  
始得會聚飲食焉賜醺五日者使得會聚飲食五日也井  
田之法已廢而醺之名猶在故也荆楚歲時記元日至月  
晦並為醺聚飲食每月皆有晦  
朔正月月初年時俗重以為節

醺

醉飽也從酉吝聲

逌回切

徐錯本有讀

若焚三字

吝聲者徐錯本有讀若焚三  
字廣韻醺匹尤切又替裴切

醺

卒也卒其度量不至於亂也一日潰也從酉從卒

遂將

切

卒也卒其度量不至於亂也者醉卒聲相近御覽引作酒  
 卒曰醉各卒其度量不至於亂也廣韻集韻所引及徐鍇  
 本皆有各字玉篇醉卒也卒度也度其量不至於亂也論  
 語惟酒無量不及亂諸葛亮誠子曰夫酒之設合禮致情  
 適體歸性禮終而退此和之至也主意未殫賓有餘眷可  
 以至醉無至迷亂 一曰潰也者徐鍇本作一曰酒潰也  
 從卒者當云卒  
 聲此與醉類同

醕

醉也從酉𩚑聲詩曰公尸來燕醕醕  
 詩云

醉也者廣韻醕著酒 詩曰公尸來燕醕醕者大  
 雅鳧鷖文彼作公尸來止熏熏傳云熏熏和說也

醕

醕也從酉𩚑省聲  
 切

醕也者書釋文引作醕酒也通俗文醕酒曰醕漢書敘傳  
 中山注醕顏注醕醕酒也晉書桓伊傳會王道子昏嘗尤  
 甚

酉

醉醬也從酉句馨

香遇切

醉醬也者書釋文引作酒醬玉篇兕酒曰醕醕古文苑王  
孫賦醕醕醕以迷醉字或作醕漢書趙充國傳湯數醉醕  
羌人顏注即醕字也醉怒曰醕一切經音義十三醕又作  
酌以酒為因謂之醕說文醕醬也通俗文耽酒曰醕書微  
子我用沈醕于酒傳云醕營泰誓注醕肆虐傳云過醕縱  
虐以酒成惡無逸無若殷王受之迷亂醕于酒德哉傳云  
以酒為因謂之醕正義醕從酉以因為醕是醕為因酒之  
名醕是飲酒而益因也魏名臣奏蔣濟奏學耆慢師醕酒  
罰飲水三升崔鴻前秦錄持生醕酒無賴前趙錄劉榮荒  
醕酒色梁武帝檄注醕醕肆醕歌墟邱隋書牛宏傳有弟  
日粥好酒而醕

酉

病酒也一日醉而覺也從酉呈聲

直貞切

病酒也者急就篇侍酒行觴宿昔醒顏注病酒曰醒詩節  
南山憂心如醒傳云病酒曰醒晏子景公飲酒醒三日而  
後發漢書禮樂志泰尊柳漿析朝醒應劭曰醒病酒也後  
漢書邊讓傳惘焉若醒注云醒酒病也第五倫傳猶解醒

連為夢書

當以酒也注云酒病曰醒西京雜記鄒陽酒賦桂夕醉遣  
朝醒風賦愈病析醒東京賦罔然若醒薛注醒病酒也語  
林劉伶說曰天生劉伶以酒爲名一飲一石五斗解醒七  
發沉直眇小頃醒醒酒病之徒哉一曰醉而覺也者  
詩正義云說文云醒病酒也醉而覺言既醉得覺而以酒  
爲病故云病酒也酸案玉篇醒醉未覺也南都賦醉而不  
醒

西

治病工也毆惡姿也醫之性然得酒而使從西王育

說一曰毆病警酒所以治病也周禮有醫酒古者巫

彭初作醫

於其切

周禮天官有醫師曲禮醫不三世不服其藥鄭氏六藝  
論黃帝佐官七人岐伯造醫方帝王世紀黃帝使岐伯嘗  
味草木典醫療疾今經方本草之書咸出焉劉歆七略論  
方技爲四家有醫經家方家房中家神仙家楚辭九折臂  
而成醫孔叢子三折臂然後爲醫鵲冠子魏文侯問扁  
鵲曰子昆弟三人並醫其孰最善扁鵲曰長兄視色故名不

出家仲兄視毫毛故名不出閭鵲  
針人血脈投人毒藥名聞天下

治病工也者廣韻醫療也廣雅醫巫也急就篇篤癰癰癰  
迎醫匠顏注醫匠療病之工也周禮疾醫掌萬民之疾病  
周書大聚解卿立巫醫具百藥以備疾災畜五味以備百  
草袁準正論良醫療病攻於勝理韓詩外傳太平之時無  
瘠癰跛眇疰瘵侏儒折短父不哭子兄不哭弟道無僂負  
之遺育然各以其序終者賢醫之用也隋書經籍志醫方  
者所以除疾疾係性命之術者也天有陰陽風雨晦明之  
氣人有喜怒哀樂好惡之情節而行之則和平調理專壹  
其情則溺而生疾是以聖人原血脈之本因鍼石之用假  
藥物之滋調中養氣通滯解結而反之於素子華子醫者  
理也理者意也意其所未然也意其所將然也察於二然  
者而謹於訓夫是之謂醫論衡程材篇病作而醫用如自  
能案方和藥則醫不售矣 毆惡姿也醫之性然者本書  
娶媼也媼婦人惡兒 得酒而使從西者鄭注周禮酒正  
云醫之字從毆從酉省也疏云從毆省者去羽從酉省者  
去水故云從毆從酉省也 一曰毆病聲酒所以治病也  
者一切經音義六引云毆亦病人聲也酒所以治病者藥  
非酒不散也本草檉樹聲也漢書食貨志酒百藥之長禮



靈石楊氏棗

射義酒者所以養老也所以養病也曲禮居喪之禮有疾則飲酒食肉史記扁鵲傳疾之居腠理也湯熨之所及也在血脈鍼石之所及也其在腸胃酒膠之所及也倉公傳濟北王病召臣意診其脈曰風蹶胃滿即為藥酒盡三石病已隋書經籍志雜藥酒方十五卷周禮有醫酒者天官酒正辨四飲之物二曰醫注云醫即內則以醕為醴者古者巫彭初作醫者海內西經開明東有巫彭巫抵巫陽巫履巫凡巫相注云皆神醫也世本曰巫彭作醫呂氏春秋勿躬篇巫彭作醫

艸酉

禮祭束茅加于裸圭而灌鬯酒是為苴象神歆之也

一曰苴楹上塞也從酉從艸春秋傳曰爾貢包茅不

入王祭不供無以替酒

所六切

禮祭束茅加於裸圭而灌鬯酒是為苴象神歆之也者本書易圭尺二寸有瓚以祠宗廟者也漢書音義張晏曰瓚以圭為柄用灌鬯瓚謂此即裸圭也本書裸灌祭也論語禘自既灌而往者皆通作緇詩白茅包之陸疏茅之白者

古用包裹禮物以充祭祀縮酒用郊特牲縮酌用茅明酌也注云藉之以茅縮去滓也甸師祭祀共蕭茅注云鄭大夫云蕭字或以茅縮去滓也甸師祭祀共蕭茅注云鄭大夫云蕭字或爲蕭蕭讀爲縮束茅立之祭前沃酒其上酒滲下去若神飲之故謂之縮縮浚也玄謂縮酒沛酒也禹貢荊州包匭菁茅鄭注菁茅茅之有毛刺者給宗廟縮酒史記夏本紀包匭菁茅正義云括地志云辰州瀘溪縣西南三百五十里有包茅山武陽記云山際出包茅有刺而三脊因名包茅山吳都賦賦職貢納其包匭五臣云禹貢包匭菁茅菁茅生桂陽可以縮酒給宗廟異物也重之是故旣包裹而又纏結之白帖尙書苞匭菁茅茅縮酒蓋三脊之茅也江淮之閒有一茅三脊此靈物不可常貢也劉蕡曰今辰州瀘溪縣包茅山出三脊茅宋書江夏王義恭傳大明元年有三脊茅生石頭西岸易林亂茅縮酒靈巫拜禱神怒不許瘁傷愁苦一日舊檣上塞也者本書檣酒器也顧謂塞檣口以滑酒本書滑昔酒也詩伐木有酒滑我傳云滑昔之也箋云王有酒則沛昔之釋文昔所六反與左傳縮酒同義謂以茅沛之而去其糟也字從艸梁定襄侯蕭祗詠香茅詩粗根縮酒易春秋傳曰爾貢包茅不入王祭不供無以舊酒者信四年左傳文彼作縮杜注包裹束也茅

靈石楊氏

菁茅也束茅而灌之以酒為縮酒穀梁傳菁茅之貢不至故周室不祭范云菁茅香草所以縮酒楚之職貢吳錄地理志零陵泉陵有香茅古貢之縮酒晉地道記泉陵有香茅氣甚芬香貢之以縮酒盛宏之荊州記零陵郡有香茅桓公所

醴

薄酒也從酉离聲讀若離

呂支切

薄酒也者楚辭漁父眾人皆醉何不餽其糟而歠其醕賈誼書酒則亟酸漢書百官表廣安侯任越人為太常坐廟酒酸論齊民要術造神麴黍米酒率多傷薄蓋用米既少麴勢未盡所以傷薄耳

醢

醢也從酉鉞聲

初減切

醢也者廣雅同廣韻醢醢味

醢

醢也從酉發聲關東謂醢曰醢

素官切

月令孟春之月其味酸洪範曲直作酸醢案周禮瘍醫凡藥以酸養骨注云酸木味根立地中似骨楚辭招魂和酸

若苦陳吳羹些王注言吳人工作羹和調甘酸其味若苦而復甘也又大招吳酸蒿羹不沾薄只淮南子煎熬其炙調齊和之適以窮荆吳甘酸之

變注云二國善醖酸之和  
醖也者廣雅同本書醖酸也論衡狀

田酸 籀文酸從畷

𩚑 酢豚也從酉戔聲 徒奈切

酢豚也者本書豚酢豚也玉篇載酢漿也釋米汁也廣雅  
載漿也內則飲有漿注云酢載周禮酒正辨四飲之物三  
日漿注云漿今之載漿也疏云此漿亦是酒類故其字亦  
從載從酉省載之言載米汁相載漢時名為載漿故云今  
之載漿也公食大夫禮漿飲注云漿飲載漿也禮運以為  
醴醴注云醴酢載雜記食鹽醴可也注云醴酢載也家語  
問禮篇以為醴醴注云醴漿酢醴酢漢書食貨志魯匡言酒醴  
法一斛之平除米麴本賈計其利而什分之以其七入官  
其三及醴載灰炭給工器  
薪樵之費顏注載酢漿也

醢

酢漿也從酉僉聲

魚寔切

酢漿也者廣韻醢酢漿酢味廣雅醢酢也廣志醢酢漿也葛洪肘後方治齒痛用多年醢酢字或作醢廣韻醢酒醋味厚本草衍義醋酒糟為之乞鄰者是此物然有米醋麥醋棗醋米醋最醢

醢

醢也從酉亼聲

倉故切

惠士奇曰古有梅而無酢五味調和須之而成食乃甘於是始有酢漿為醢急就篇所謂鹽豉醢酢漿尚書孔注亦云鹽梅醢蓋今之酢古之

醢也則古無酢明甚醢也者急就篇酸醢酢淡疎濁清顏注大酸謂之酢隋書醢吏傳寧飲三升酢不見崔弘度通作醢齊民要術有作醢法云酢者今醋也郭緣生述征記醬魁城至醢講十里本草酢漿草味酸唐本注云一名醋母草

醢

黍酒也從酉也聲一曰甜也賈侍中說醢為醬清

移爾

切

黍酒也者廣雅醕酒也鄭注聘禮云凡酒稻爲上黍次之內則黍醕注云醕粥爲醕又注周禮酒正云凡醕濁醕醕爲之則少清矣齊民要術造黍米法酒法三月三日秬熟三斤三兩取水三斗三升浸七日取黍米三斗三升炊作再饌飯著麴汁中俟米消盡更炊四斗半米酸之酒味醇美宜合醕飲食之飲半更炊米重酸如初竟夏飲之不能窮盡所謂神異矣一日甜也者食經作白醕法滿五日酒甘如乳周禮酒正醕齊注云如今恬酒矣呂氏春秋重己篇其爲飲食醕醕也注云酒正二日醕齊醕者以漿與黍相醕不以麴也濁而甜曰買侍中說醕爲鬻清者內則黍醕注云以黍爲粥也又醕醕注云醕厚粥醕薄粥買達曰醕爲粥清清者粥而去米也周禮酒正辨四飲之物四曰醕注云醕今之粥內則有黍醕醕醕飲粥稀者之清也或作醕穆天子傳脯棗醕醕注云醕粥清也

西

鹽也從囚從酉酒以和膳也日聲

切卽亮

鹽也者廣韻五音集韻韻會引作醕玉篇醬醕也廣雅醕醬也釋名醕多汁者曰醕急就篇蕪荑鹽鼓醕酢醬醕注醬以豆合麴而爲之也以肉曰醕以骨曰醕醬之爲言將也食之有醬如軍之須將取其率領進導之也周禮膳夫

凡王之饋醬用百有二十醬注云醬謂醢醢也王舉則醢  
 人共醢六十醢醢人共醢物六十醢穀案鄭意謂合醢醢  
 為百二十糗也惠士奇曰醬屬醢人名曰醢醬則醢即醬  
 也不應分為二上昏禮醢醬二豆二豆者婿與婦為對醬  
 則醢醬非二物矣五齊七菹皆醢物也謂皆以醢調之醢  
 物猶醬物一物二名膳夫職所謂醬用百二十醬內醢  
 所謂百羞醬物者即此左傳醢醢醢醢以烹魚肉聘禮歸  
 饗醢醢百羞皆不言醬則醢非即醬歟從肉從酉酒  
 以和病也者作  
 醢有肉有酒

古文

汗簡引

作

籀文

因醢也從酉益呼改

本書醢有骨醢也釋名醢海也其也封塗使密其乃成也  
 四民月令五月一日可作醢弘君舉食檄東里獨姥之

醢

肉將也者釋器肉謂之醢郭注肉將曲禮勿歃醢疏云醢  
肉將也聘禮醢醢百樂醢在東注云醢穀陽也醢肉陰也  
昭二十年左傳水大醢醢鹽梅以烹魚肉服注醢肉將也  
莊十二年傳宋人皆醢之杜注醢肉將離駭后辛之菹醢  
今王注肉將曰醢呂氏春秋行論篇殺梅伯而醢之高注  
肉將為醢史記宋世家宋人醢萬也集解引服虔曰醢肉  
將齊民要術有作肉將法牛羊麋鹿兔肉皆得作唐百官  
志掌醢署令一人丞二人掌供醢醢之物一曰鹿醢二曰  
兔醢三曰羊醢四曰魚醢東觀漢記上至邯鄲趙王進馬  
醢劉孝儀謝蝦蟇將啓龍將傳廿貳醢稱貴陶注本草將又  
有肉將魚將皆呼為醢從酉  
宜者徐鍇本作益督韻會同

醢 籀文

醢 醢醢醢也從酉攷聲

莫侯切

醢醢醢也者廣雅醢醢醢也廣韻醢醢醢也四民  
月令榆莢色變白可作醢醢齊民要術有作榆子將法治  
連筠篲叢書



榆子仁一升搗末篩之清酒一  
升宿五升合和一月可食之

**醕**

醕醕也從酉俞聲

田侯切

替醕也者釋名醕  
投也味相投成也

**醕**

餽祭也從酉守聲

郎外切

餽祭也者玉篇醕餽祭也以酒祭地也韋昭辨釋名祭酒  
者謂祭六神先以酒沃醕之也謝承後漢書徐穉負笈赴  
弔餽酒畢留謁即去後漢書張魚傳以酒醕地注云以酒  
沃地謂之醕橋元傳不以斗酒隻雞過相沃醕顏氏家訓  
親友來餽醕者一皆拒之餽或作醕東  
晉近遊賦若夫祭奠之醕親里往來

**醕**

搗榆將也從酉畢聲

蒲計切

搗榆將也者字或作醕玉篇醕將也  
或作醕廣雅醕醬也集韻醕醕榆醬也

**醕**

將也從酉商聲

居律切

脂也者廣雅同  
玉篇醕醕醬也

醇 雜味也從酉京聲 力讓切

雜味也者集韻清漿曰醇廣韻醇醕醕水廣雅醇醕也周禮  
漿人掌共王之六飲水漿醕醕涼醫醕醕注云鄭司農云涼以  
水和酒也玄謂涼今寒粥若煖飯醕醕水也內則飲有醕醕注  
云以周禮六飲校之則醕醕涼也管子禁藏篇冬日不醕醕非  
愛水也釋名醕醕水清而藏之其味醕醕然也

醕 醕 關 慈丹切

玉篇醕醕味薄也字或作醕廣  
韻醕醕味薄也類篇醕醕也

醕 醕 關 而琰切

類篇醕醕也一  
曰醕醕味醕

文六十七 重八

酉

釋酒也從酉水半見於上禮有大酋掌酒官也凡酋

之屬皆從酋字秋切

酉

酒器也從酉升以奉之周禮六尊犧尊象尊著尊壺

尊太尊山尊以待祭祀賓客之禮祖昆切

釋酒也者本書多下云夕相釋也奠下云酋酒也方言酋  
熟也自河以北趙魏之間久熟曰酋鄭語毒之酋腊者其  
殺也滋速注云精熟曰酋釋名醪酒久釀西澤也又云酒  
酉也釀之米麴西澤久而味長也周禮酒正辨三酒之物  
一曰事酒二曰昔酒注云事酒今之醪酒也昔酒今之西  
久白酒所謂舊醪者也郊特牲猶明清與酸酒於舊澤之  
酒也注云澤讀為醪舊醪之酒謂昔酒也太元中次七酋  
酋大魁頭水包貞魏都賦有醪順時梁書昭明太子傳飛  
醪汎醪從酉水半見於上者徐鍇曰酒久則水上見謂  
糟少也醪謂此如谷字從水半見出於口大酋掌酒官  
也者月令仲冬之月乃命大酋注云酒孰曰酋大酋者  
酒官之長酋者久遠之稱久孰者善故名酒官為大酋

靈石楊氏采

酒器也者明堂位尊用犧象山鼎注云尊酒器也周禮  
六尊云云者春官小宗伯辨六尊之名物以待祭祀賓客  
注云鄭司農云六尊獻尊象尊壺尊著尊大尊山尊司尊  
彝春祠夏禴用雞彝鳥彝其朝踐用兩獻尊其再獻用兩  
象尊秋嘗冬烝祫用皤彝黃彝其朝獻用兩著尊其饋獻  
用兩壺尊凡四時之間祀追享朝享祫用虎彝雉彝其朝  
踐用兩大尊其再獻用兩山尊注云鄭司農云獻讀爲犧  
犧尊飾以翡翠象尊以象鳳皇或曰以象骨飾尊著尊者  
著畧尊也或曰著尊著地無足壺者以壺爲尊大尊大古  
之瓦尊山尊山器也志林先代不識犧尊但云沙畫之飾  
以翠羽至魏明帝時魯郡於地中得齊大夫子尾送女器  
有犧尊作犧牛形自爾乃知其形從酋卅以奉之者特  
牲饋食禮舉解者洗各酌于其  
奠醖謂尊謗作奠石經作尊

## 尊或從寸

爾雅釋文尊本又作樽酒器也又作樽同案曹憲文字指歸  
檢字無此從缶從木者說文云字從酋寸酒官法度也今之  
尊卑從此得名故尊亦爲君父之稱  
士喪禮冪奠用功布注云古文奠爲尊

文二 重一

戌 滅也九月陽氣微萬物畢成陽下入地也五行土生

於戌盛於戌從戌含一凡戌之屬皆從戌

辛聿切

釋名戌恤也物當收斂矜恤之也亦言脫也落也 釋天太歲在戌曰闕茂 淮南天文訓太陰在戌歲名曰掩茂高注

掩蔽茂冒萬物皆蔽冒

滅也者當為威本書威陽氣至戌而盡戌威聲相近通作滅釋詁滅絕也淮南天文訓戌者滅也白虎通戌者滅也史記律書戌者言萬物盡滅故曰戌晉書樂志九月戌戌滅也謂時物皆衰滅九月陽氣微萬物畢成陽下入地也者本書蔑下云人勞則蔑然從戌案逸周書祭公解穆王言追學於文武之蔑孔鼂注言已追學文武之微德書君夷文王蔑德傳訓精微之德六韜秋道斂萬物盈鄭注周易建戌之月陽氣既盡白虎通九月律謂之無射何射者終也言萬物隨陽而終漢書律歷志畢入於戌又云亡射射厭也言陽氣究物而使陰氣畢剝落之終而復始也

厥已也位於戌在九月 五行土生於戌盛於戌者戊為  
中宮土位淮南天文訓土生於午壯於戌成於寅魏臺訪  
議高堂隆曰土始生  
於未盛於戌終於辰

文一

二

亥也十月微陽起接盛陰從二二古文上字一人男  
一人女也從匕象裹子咳咳之形春秋傳曰亥有二

首六身凡亥之屬皆從亥

胡改切

釋名亥核也收藏百物核取其好惡真偽也亦言物成皆堅  
核也 晉書樂志十月亥亥刻也言陰氣効殺萬物 漢書  
律歷志該關於亥 釋天太歲在亥曰大淵獻孫炎云淵深  
也大獻萬物於深言蓋藏之於外也 淮南天文訓太陰在  
亥歲名曰大淵獻高注淵藏獻迎萬  
物終在亥大小深藏肅伏以迎陽

亥也者廣雅同亥亥替相近徐鍇曰言萬物之亥皆動也  
范子曰陽者主生萬物方夏三月之時大熱不至則萬物

心之平二

詩文解字義疏卷四十八

至

靈石楊氏

不能成陰氣主殺方冬三月之時地不內藏則根莖不成  
卽春無生孟喜說易箕子明夷以爲陰陽氣入箕子者萬  
物方萌也十月微陽起接盛陰者徐鍇曰十月坤之  
上六陰極陽將生也釋天十月爲陽易乾鑿度乾者天也  
終而爲萬物始西北方萬物所始也故乾位在於十月史  
記律書亥者該也言陽氣藏於下故該也白虎通十月律  
謂之應鍾何鍾動也言萬物應陽而動下藏也漢書律歷  
志應鍾言陰氣應入射該萬物而雜陽間種也位於亥  
在十月詩采薇歲亦陽止箋云十月爲陽時坤川事嫌於  
無陽故以名此月爲陽正義云其實陰陽恆有詩緯曰陽  
生酉仲陰生戌仲是十月中兼有陰陽也一人男一人  
女也從上象裹子咳咳之形者亥咳聲相近二人象所裹  
之子左爲男右爲女也徐鍇曰十月之時陽氣萌兆盛陰  
感陽萬物皆含育於內象人之懷妊牒兆春秋傳曰亥  
有二首六身者襄三十年左傳史趙曰亥有二首六身下  
二如身是其日數也上文伯曰然則二萬二千六百有六  
句也杜注亥字二畫在上併三人爲身如筭之六下亥上  
二畫豎置身旁正義云二畫爲首六畫爲身下首之二畫  
竝之使如其身旁則是生來日數也因亥畫似筭位故假  
之以爲言其本作亥字不爲此也案字書古之亥字體殊

不然蓋春秋之時亥字有二六之體異於古制其說文是小篆之書又異於此馥案孔氏謂別有二首六身之亥非謂本書小篆徐錯則就本書釋之其言曰古文質豎上二畫於左爲筭家之二萬上字曲上豎下橫爲筭家之六千左人字曲之上橫下直爲筭家之六百古人字亦然隔一位爲筭家之單六中闕六十也故亥有二首六身故晉士文伯曰然則二萬六千六百有六句也馥謂若別有二首六身之亥則本書不應引此文徐據本書爲說是也孔氏以說文乃小篆非史趙之古文馥謂小篆仍古文而不變者多矣安知本書之亥非古文卯止戈爲武皿蟲爲蠱反正爲乏小篆皆與古文無異或云亥下白有古文亥不得爲古文馥謂古文非止一體本書之重數古文者注云亦古文是知古文不一矣王莽十布背有數目字與今蘇州畫馬相似司馬溫公潛虛圖正同卽古籌算之法也

古文亥爲豕與豕同亥而生子復從一起

徐錯曰今案李斯所書牌亥字旁人皆作丁字形馥謂十或个之誤徐錯本李燾本拉作不錯曰家語子夏云三豕渡河亥誤爲豕當爲此亥字也馥案李陽冰曰古文亥比豕加一畫疑此不傳寫或誤



古文亥爲豕與豕同者徐鍇本作古文亥爲豕與豕同  
意積謂亥爲豕猶巳爲蛇古者術數家以三十六禽配十  
二辰其配亥者則豚也獮也蒿猪也亥而生子復從一  
起者徐鍇曰天道終則復始故亥生子子復始於一  
也易窮則變變則通通則久之義也復謂此木書始一終  
亥之意也本書敘畢終於亥知化窮冥徐鍇曰亥生子終  
則復始故託始於一寄終於亥  
亥則物之該盡故曰窮冥也

文一 重一